

JO. HERM. FÜRSTENAU;  
MED. DOCT. ET PROFESSORIS  
EXTRAORD. RINTELENSIS  
DISSSERTATIO  
EPISTOLARIS  
DE IIS  
QUÆ DESIDERANTUR  
IN  
PRAXI MEDICA  
AD  
VIRUM SUMMUM  
GODEFRIEDUM THOMASIIUM;  
POLYHISTORA ET MEDICUM  
CONSUMMATISSIMUM.



*Francofurti ad Mœnum,*  
Apud Wolffg. Christoph. Miltz;

1 7 2 1.

SOCIETY OF LONDON MEDICAL







L. B. V.

VIRO ILLUSTRIS

GODEFRIEDO THOMASIO,

Polyhistori & Medico in Noricis Summo

I.H.F. S.P.

I.



Mnem artis ambitum salutaris, & late  
se pandentem Medicinæ campum  
cum serio contemplatur longo rerum  
usu & amplissimis muneribus insignis  
N. TULPIUS, labore tam indefesso illum, tum  
à veteribus, tum recentioribus excultum esse, affir-  
mat, ut *vix quicquam amplius in eo desideres, præ-  
ter certas rariorum affectuum observationes, uti-  
que remedia infallibili usu comprobata.* Præf. obs.  
ad fil. Ac parum abesse putem, quin paucis hisce  
omnia ista significaverit doctissimus Vir, quæ lon-  
ga ab aliis serie, & BACONE imprimis de VE-  
RULAMIO, atque G. BAGLIVIO, quoad practi-  
cam medicinæ partem inter desiderata referuntur.  
Aut enim praxin respiciunt medicam generatim,  
aut hunc istum morbum in specie, & vel defectum  
denotant, vel causæ ejus indagant, & remedia sup-  
peditant, quæcunque in praxi desiderantur medica.

(A) 2

Sin-



Singula certe innuere verba videntur laudata , digna proinde visa, quæ pro filo inservirent in enarrandis jam porrò desideratis in praxi medica, postea quam ea, quæ in partibus medicinæ speculativis desiderari videbantur, ante duo jam lustra recensere cœpi. Hosce conatus meos, studiorumque primitias, illamque imprimis epistolam, quam de desideratis in morborum signorumque doctrina ad virum πολυμαθῆσαντον T. J. ab ALMELO-VEEN, Fautorem utriusque nostrum, dum viveret, benevolentissimum in Belgio pridem scripsi, cum Tibi, Vir illustris, non omnino displicuisse, ante aliquot annos Norimbergam transeunti, cum proluxa affectus significatione haud obscure subinnueres, animum inde sumsi, ulteriora nunc cogitata mea, de iis, quæ in arte salubri, & parte ejus principe, quæ morbos curare docet, desiderari videntur, amplissimo Tuo Nomini, atque judicio ἀκριβεστάτω consecrandi. Quod dum æquo, ut spero, feres animo, dumque de desideratis circa observationes medicas deinceps dicendi locus erit, de remediis infallibili probatis usu verba prius faciam. Tot vero cum existant remedia, quot sunt morbi, amplum vero, ad mentem TULPII, & spaciosum sit, in quo navigamus æquor, & in illo tot propemodum vada, quot morbi, & tam frequentes scopuli, quam scopi, ducta per praxin medicam exercitatione satis, opinor, erit manifestum, quantum in remediis plerisque sit inane!

II.

Atque ut inde merito dicendi faciam initium,  
unde



unde scriptorum pragmaticorum plerique in recensendis curandisque morbis auspicari solent, morbi primum universales, & inter illos febres in conspectum veniant. Februm autem omnium theoriam & praxin ad desiderata pertinere, peculiari oratione adseruit pridem B. RAMAZINI. De theoria vidimus antea; praxin quod attinet, in magna equidem febrium diversitate, qua alia sunt continuæ, intermittentes alia, & vel quotidie, vel alternis, ternis, aut septimo, octavo demum die repetentes, medicamentorum ingentiquidem farragine, minus vero inopia laboramus. Nam præter emetica & cathartica, varii generis salia, amara, stomachica, incidentia, resolventia, diuretica, specifica, externa, & multa alia in dies adhibentur medicamentorum genera, usque adeo, ut juxta R. LENTILIUM Eteodr. Med. Pr. p. 1071.

*Medicus etiam etate practica Nestor, nunquam tamen penetraverit in abyssum experimentorum an-  
eifebrilium profundissimum*, quæ modo fausto, modo infelici beantur successu, prout vel dextre vel imperite utentem invenerint. Remittentium vero omnium pessimæ quartanæ, & maxime contumaces observantur, maxime quæ in autumnum incidunt, autore HIPPOCRATE II. Aph. XXV. LUCAS vero TOPEI, Neapolitanus, summi Archiater Pontificis, Medicus doctus, & longo usu exercitatus, hujus occasione aphorismi, febres quartanas, quas antehac Medici longissimas, ac fere immedicabiles habuerunt, hac nostra ætate unius ope corticis peruviani tam cito tuto-



que fugari, docet, ut vel hinc parere liquido possit, quam hæc veterum, in medicina facienda, temporibus præcellant. Neque solum in quartanis, sed etiam tertianis, cœterisque intermittentibus, cum primum sunt invasuræ, utiliter adhiberi testatur. Non est, quod hujus historiam corticis, qui ante septuaginta propemodum annos, ex India orientali in Europam translatus, factis plurimis in Gallia, Britannia, Belgio atque Italia, iisdemque illustribus experimentis inclaruit, & varia deinde fata expertus est, integram pertexam, præsertim cum ab aliis id, & nuper in Annalibus præstitum sit Vratislaviensibus, An. 1717. M. Nov. p. 301. seq. Hoc namque remedii genus postquam vel solum & in substantia, quod ajunt, vel aliis permixtum & magna plerumque dosi repetitis vicibus ante vel post paroxysmum propinatum, aut clysteribus additum accessiones febriles deinde ad unum omnes è medio sustulit. Quo visio in diversa abierunt Medicorum saniores, & quantum ab aliis laudatum remedium, tantum ab aliis culpatum est. Laudarunt Medici per Galliam, Italiam, Belgium & Germaniam celeberrimi, ceututum & facile ad febres coërcendas præsidium. Quibus non pauci hinc inde se opposuere, qui præsertim varios remedii abusus animadvertentes, istud vel eo nomine accusarunt, quod præter frequentes febrium recidivas, tumores cacheeticos, asthmata, hydropes, phthises, suppressionem consuetarum evacuationum, arthritidem, rheumatismos, in teneris præsertim ægris, & motu corporis



poris voluntario minus exercitatis , magno eorum damno à medicamento, vel præmature, vel imperite adhibito proficisci, cum G. BAGLIVIO, & G. E. STAHLIO, experientia edoctis, viderunt. Alii demum media incedentes via , non nisi præmissis aut interpositis evacuantibus, aut feбри aliis remediis minus obnoxia , aut additis variis corrigentibus, catharticis, salinis, & ejus generis aliis, corticem propinandũ voluere, quos inter F. DEKKERO, & J. M. LANCISIO ejusdem cum purgantibus connubium placet. THOMAM si quæras SYDENHAMIIUM, qui ob insignem in mēdendo felicitatem, febr̃ium Medicus κατ' ἐξοχὴν civibus suis appellatus est, is *vere*, inquit, *affirmare possum, non obstante tam vulgi, quam per paucorum è doctis præjudicio, me nihil mali agris ab usu ejus accidisse, vidisse unquam, vel cum ratione suspicari potuisse.* Quæ eadem est sententia M. LISTERI, G. HARRIS, R. MORTONI, P. GUENELON, è cujus ore, fautoris quippe benevoli, ante plusculos annos Amstelodami eadem ferè verba, multiplici ejus experientia confirmata accepi, aliorumque Medicorum præstantissimorum, quorum alii alias subinde cautelas circa parandi & exhibendi modum ab aliis diversas suppeditant. Ac licet non desint, qui tum in nonnullis Italiæ Academiis litem idcirco LANCISIO Archiatro Pontificio, tum alibi locorum aliis moverint, atque ob pessimum abusum, & suspectam imprimis adstringendi virtutem, ac necessariæ inde secretionis excretionisve materiæ morbificæ im-



peditionem, omnem corticis exotici usum sublatum è foro medico mallent; non defuerunt tamen ipsius patroni, qui cum eodem doctissimo viro vindicias medicamenti conscriberent; JOANNES imprimis BOHNIUS, & J. G. BERGERUS, Medici in Saxonibus experientissimi, quorum ille præmaturam intermittentium per chinæ usum fugam, haud suo merito semper suspectam; hic vero ipsam chinam chinæ ab iniquis judiciis vindicatam publico dederunt. Inter ea multis incommodis, nec paucioribus tricis expositum esse chinæ corticem, liquet, nec vanum hodieque esse desiderium incomparabilis Viri T. BARTHOLINI: *Utinam promissis de cortice peruviano semper responderet eventus, & securum certumque antifebrile haberemus.* Cent. IV. Ep. LXI.

### III.

Equidem solet id fatum medicamentorum commune esse generosiorum, exoticorum præsertim ut laudentur ab his, culpentur ab illis. Et cum non omni morbo, immedicabili sæpe, suppetias ferant optatas, alto contemnantur deinde supercilio. Chinam chinæ quod rursus attinet, licet plura in ejus usu desiderari possint, solum pondus & nimia moles, qua intra *νυκτὴμερον* vix infra integram aut dimidiam unciam assumi jubetur, palato ingrata & ventriculo gravis non est postremum ex illis, quæ virtuti & efficaciam ipsius detrimentum afferunt. Quod ut evitarent incommodum, aliud quæsierunt & pondere levius, &

con-



concinnius mole, nec virtute inferius antifebrile  
 medicamentum; quod, ut alia mittam, in regno  
 minerali, & venenorum quidem familia reperiri,  
 sibi aliisque persuadent. Arsenicum volo, quod  
 ceu egregium ἀντιπύρετον in E. G. Dec. II. An. III.  
 Obs. 46. ROSINUS deprædicavit LENTILIUS,  
 quem deinde alii securi sunt, in ea versantes sen-  
 tentia, nullum venenum usque adeo noxium atque  
 lethale esse, quod non dextra præparatione aut  
 recto usu, in minima imprimis quantitate medica-  
 menti excellentis vices laudesque jure tueri queat.  
 Cujus quidem valorem sententiæ in medio relin-  
 quens, id saltem hanc in rem monere habeo, do-  
 ctissimum STAHLIUM, plures & annotasse, & gra-  
 phice descripsisse tristes ab assumpto arsenico in fe-  
 bricitantibus eventus M. Nov. obs. phys. chym.  
 med. Ac licet J. H. SLEVOGTIUS nuper ad-  
 modum egregio huic minerali ob nobilem ejus ex  
 mercurio originem, & nitentem ac pellucidam fere  
 albedinem, ponderosamque & corruptionis exper-  
 tem consistentiam, virtutes item, ne quidem ab in-  
 sensissimis ejus hostibus in dubium vocandas, ho-  
 nestiorem existimationem comparare, illudque  
 suo merito & jure titulo honorabili specifici anti-  
 febrilis condecorare annisus fuerit; dolendum  
 tamen summopere cum eodem doctissimo viro,  
 neminem hætenus de causa talismodi efficaciam,  
 ex receptis hypothefibus vix explicabili invenienda  
 sollicitum fuisse, & simul de mediis cogitasse, ni-  
 mis agilia ejus elementa, rectius, quam huc usque  
 per nitrum, acetum &c. tentatum est, cicurandi;



ut ea in magna etiam quantitate mitius operari  
discant. de Mod. Ars. excus. præm. de Arsen. G.  
W.W. cf. Act. Med. Berol. III. 8.

IV.

Aliud in regno minerali, & hydrargyri quidem  
profapia venatur febrifugum B. RAMAZINI, eo  
maxime inductus argumento, quod varias noxas  
ab assumtis vel exterius applicatis mercurialibus  
notaverit, gravissimas alias, sed febre carentes,  
quin & exemplis edoctus fuerit, in quibus venerei  
quid febribus intermittentibus fuit junctum, saliva-  
tione mercuriali in usum vocata, utrumque deinde  
malum evanuisse, sed, nondum invenisse, hæc  
monstrant ejusdem verba: *An ergo quid febrifugi  
latet in hydrargyro? fors an dies aliqua ex minerali  
regno febrifugum aliquod, non sub gripho, ut Ri-  
verius, sed candide & aperte medicæ arti largie-  
tur.* LAZARUS ipse RIVERIUS famosum ven-  
ditavit, mirisque encomiis celebravit antiquatium,  
quod quale fuerit, non eadem est doctorum sen-  
tentia. Hoc enim ænigmatice propositum tum  
alibi, tum app. Cent. III, Obs. nonnulli ex mercu-  
rio sublimato corrosivo parari, cui mercurius dul-  
cis additur, illumque triplicis Herculis, hunc vero  
athletæ accedentis nomine intelligi existimant, alii  
vero ex regulo antimonii cum auro vel argento  
misto, & addito deinceps mercurio sublimato in  
butyrum antimonii verso, ex eo vero vel aqua sim-  
plici, more mercurii vitæ, vel instar bezoardici lu-  
naris ope spiritus nitri præcipitato docent constare.  
*Cujus vires an promissis stent, experientia docebit,*



ut est apud G. ROLFINCIUM, Chym. A. F. p. 373. cf. p. 402. A bezoardico autem s. d. lunari, cui plurimum multi tribuunt, parum distare videtur medicamentum, quod sub panaceæ mineralis titulo in collectaneis chymicis Leydensibus laudatur; mihi autem his ipsis diebus, ceu summum in quartana, aliisque febribus rebellibus, & morbis chronicis aliis arcanum, per intensibilem maxime transpirationem, hinc & diuresin effectus edens à chirurgo castrensi communicatum est, quodque ex antimonii regulo cum foliis lunæ, & mercurio vivo continuato tritu alcoholisato, & spiritu porro nitri affuso, & vice iterata è retorta abstracto, residuo autem recte edulcorato paratur. Hisce enimvero & similibus medicamentorum generibus, à perita manu tractatis, eorumque valori & efficaciam ut nihil detractum vellem, ita vereor, id quod experientia vulgaris docet, ne ex eorum sint familia, quæ juxta VERULAMIUM spes hominum inflant, sed brevi destituunt. Quid vero de sale sit sperandum ammoniaco, cujus præclarum ad febres intermittentes usum peculiari dissertatione prædicavit W. G. MUYS Franequeræ 1716. illumq; sui & defuncti fratris observationibus & experimentis factis corroboravit, inde existimemus, licet, quod, ut est in Actis Medicis Berolinensibus, non uno, sed repetito confirmatum experimento, à propinato hoc sale, citior semper provocatio horridis febrilis fuerit secuta, quam natura sibi relicta formare ex prægresso observato more, consueverat. Quo loco hoc inde formatum videmus conclusum,



clusum, quod vel aër & locus, vel corpora, quæ terra & aqua diversa alit, vel peculiaris anni tempestatis constitutio subsit, quod idem experimentum alibi per omnem docimasiam probatum Bero-  
lini planè diversum effectum exerat. Vol. 1. p. 90.

V.

Ut vero magnis implicita est difficultatibus fe-  
brium praxis intermittentium, ita majoribus pre-  
mitur, quæ de continuis exponit. Harum aliæ  
cum, aliæ sine exanthematibus, & vel benignæ  
vel malignæ, quorum summus apex ipsa pestis est,  
visuntur. Causas varii varias fingunt, ac prout  
sanguinem in iisdem vel coagulatum, ab acido  
atque terreo principio, vel ex adverso ab alcali  
& volatili sale fluidum & coaguli expertem suppo-  
nunt, oculisque, facta post obitum cadaveris  
sectione, usurpant; ita aut huic aut isti qualitati ad-  
versa remedia ubi ad curam ventum fuerit magna  
securitate in usum vocant, & vel bezoardicis vola-  
tilibus, lentum humorum motum excitare, aut  
eundem nimis efferatum remediis temperatis &  
fixis, aut medii generis alexipharmacis coërcere  
student. Neque vero eos aut in errore versari, aut  
veritati litari omnes, existimes, cum, ut à saniori-  
bus, & C. VATERO d. Feb. Mat. XXI. est animad-  
versum, *certum sit, in febris istis omnibus san-  
guinem serumque ejus modo nimium resolvi, modo  
coagulari.* Alexipharmaca generali nomine vo-  
cant, quæ malignitati aut contagio ad mentem  
variorum vario opponuntur, quæ cum in ingenti  
varietate, duum maxime generum esse, censeantur,  
calida



calida alia & volatilia, alia fixa & temperata, ita patronos quæque suos invenere. Prioribus minus favent Medici inter alios Vratislavienses inclyti, quorum mens huc redit: *Ab alexipharmacis calidioribus, qua malignitati opponi debere vulgaris persuasio est, nobis temperavimus, quia nec venenorum, multo minus venenatorum* *μιασματων* *natura cognita est, adeoque in Democriti puteo adhuc vera fermentorum malignorum alexipharmaca profundissimis tenebris immersa lateant.* Hist. morb. Vratisl. 1699. p. 11. Omnium autem activiorum atque energeticorum alexipharmacorum camphora ferè princeps est, cujus efficaciam vix non divinam, ut alii summis efferunt laudibus, ita alii eandem, ceu noxiam, ex internorum antifebrilium classe ejectam eliminatamque mallent. Illorum in numero sunt M. ETTMULLERUS, C. MUSITANUS, J. DOLÆUS, J. J. WALDSMIDIUS, A. SASA, J. MICHAELIS, G. W. WEDELIUS, & plures alii, longa serie à Viro cl. qui pollicem istis premit, J. H. HEUCHERO d. igne per ign. ext. enarrati. Ac licet nonnulli, & inter istos modo laudati collectores Historiæ morborum Vratislaviensium cum A. THONERO, T. CRAANIO, D. LUDOVICI, L. SEPTALIO, F. PIENS, L. DONCKERS, de camphoræ usu interno sequentem in modum sentiant: *Enimvero scire licet, tantopere laudatam camphora virtutem alexiteriam niti nuda traditione & opinione hominum, ac in re ipsa in febris hisce malignis camphoram interne plus detrimenti, quam auxilii afferre.*



*afferre. Deferimus causa hujus cognitionem ad circumspecta experientia tribunal, ac sententiam nobis gratam pollicemur, postquam vanitas prætense eximia hujus virtutis omnibus fere innotuit.* l. c. p. 12. non tamen defuisse doctissimo HEUCHERO evidens est, ad finem laudatæ dissertationis egregiæ ex iis quærendi rationes, qui ignem camphoræ in febrium ignibus metuunt, cur non æque mixturas simplices, essentias theriacales, tincturas bezoardicas, confectionem liberantis, pulverem rubrum Cæsaris contra pestem, pulverem pannonicum, & id genus alia, quæ habent camphoram propinare vereantur, quotidieque in febribus quoque ardentissimis eorum usu potissimum delictentur?

## VI.

Calidis vero & activioribus alexipharmacis ut multi multum cum simili regimine, ita alii regimini frigido, & remediis temperatis acidisque in cura febrium malignarum ipsiusque pestis plurimum tribuunt, quemadmodum Turcarum praxin, indoctam quidem, sed verè rationalem, in curanda ipsa peste, malignarum omnium febrium facile principe, per succum limonum in omne jusculum liberalius instillatum, per frusta limonum saccharata, ore frequenter masticata, & per potum illis vulgatissimum, dictum Sherbett, hoc est per ipsum regimen frigidissimum considerandam proponit G. HARRIS d. Morb. Acut. Infant. p. 27. Sunt vero & alii, qui remedia ab hisce quoad virtutes & modum operandi planè diversa ad pestem miris modis



modis laudant atque commendant, illi nimirum qui introductam ab A. KIRCHERO, A. HAUPT-MANNO, C. LANGIO, C. F. PAULLINI, G. ANDRY, aliisque pathologiam animatam, multis equidem suspectam in ipsa defendendam peste hodieque sibi sumunt. Hi namque suæ vi hypotheseos non possunt non mercurialibus medicamentis, in febrium cura pestilentialium, cum sint omnis animatæ putredinis infensissimi hostes multum fidere. Quorum numero cum nuper admodum cl. Virum A. C. GACKENHOLTZIUM accessisse, & tum ob has, tum ob salivandi seu masticandi potius virtutes plane eximias valde mirari video, in tanto ab Autoribus contra contagiosam hanc fluem, congesto remediorum catalogo, nullas ferè partes relictas esse mercurio, quem tamen, cum in aliis atrocissimis morbis virum se quotidie præstet, hic prorsus inutilem suspicari non debebamus. Pest. Averr. II. XXVII. Sic & CAMERARIUM, LENTILIUM, CHENAU, Medicos experientissimos, in febribus malignis, cum animata imprimis putredine junctis, pulveribus bezoardicis ad incidendam simul semper peccantem salivæ totiusque lymphæ visciditatem, mercurium dulcem mirabili cum successu, admiscuisse, Medici Vratislavienses memoriæ prodiderunt. Sed hi, quantum ejusmodi tribuant remediis, haud obsecure verbis significant mox additis: *Nos in febribus, ubi vermium suspicio, ferè cinnabari nativa contenti vivimus.* l.c. 1698. p. 40.

Vena in peste morbisque malignis secanda sit, an minus? quæstio est, variis hinc inde argumentis disceptata, nec dum decisa. Quippe alii in primo morbi principio, & habitu corporis plethorico, similibusque quæ suadent, aut urgent, præsentibus, phlebotomiam admittunt, quæ tamen singula non attendunt alii, ubi malignitas, contagium, aut exanthemata sunt præsto. PHILIPPUM si audias HOCHSTETTERUM, Medicum quondam Augustanum exercitatisimum, *Venam* is inquit, *aperimus rarius, moniti illi Hippocrati*, ab eo qui curat, nullum malum inferatur sat est, quod morbus facit. Ea enim pro dolor Medicorum est conditio, ut non nisi summa necessitate urgente vocentur, ut animam jam jam efflandam tardent, quare calamitosi symptomatibus ægri pessundati vires habent debiles, quibus si sanguis subtrahitur, morbus fit superior, quo vita fugatur. Et porro: Quare detrahimus iis sanguinem, quibus à principio vocati adstamus (hoc autem velox est) Et æger plethoricus est, vel quem metus Et timor, vinum meracum, cibi ab Apitio conditi aptum ad contagium suscipiendum disposuerunt. Pauperibus at, quibus famis pro pane, cacochymia pro sanguine, fœtor in dejectione, dejectio frequens, corpus attenuatum sanguinem detrahere, magnæ est dementia. Dec. I. Obs. VI. schol. p. 73. Quo quidem loco, ubi ad recti iudicii & veræ normam experientiæ res omnis exigenda, opportune TILINGII recordor, qui ut ill.

STAH-



STAHLIUS, quem præceptorem recordor, venerorque submitte, scite advertit, ubi de venæ sectione in febre præsertim petechiali vel celebranda vel omittenda agitur, pro affirmativa Professores, Scriptores classici, Doctores varios, neque paucos omnino: pro negativa etiam non nimis paucos, sed propemodum minorum gentium, arctioris nominis præcticos urbicos notat: quorum illi unice rationibus utuntur, & generalibus præterea de plethora, negantes nudam experientiam afferunt, non singularem aut alienam, sed suam aut certe cum sua. vid. obs. phys. chym. med. M. Maj. p. 604. Historiam si evolvamus morborum Vratislaviensium, opus certe non in cerebro autorum, sed ex ipsa natum experientia, mirum fane, quam tergiversentur, ubi ad hoc accedunt caput, anxieque se gerant viri in arte salutari versatissimi, verbis pone sequentibus: *Ut verum fateamur, ad hanc usque horam, qua hac scribimus, ancipites hæremus, quidnam potissimum Medico agendum incumbat? - Quapropter in eas sæpe cogitationes incidimus, Medico, si sub initium morbi advocetur (contingit autem hoc quam rarissime) incunctanter quidem ad V.S. tamque largam esse confugiendum.* Et quæ sequuntur 1702. p. 43. Quæ cum ita sint, optandum omnino cum R. J. CAMERARIO, ut in frequentia illa februm acutarum, durante per sat longum tempus præerito bello, in castris & alibi graviter grassantium & frequentiores, & diligentiores institutæ fuissent observationes, quid commodi vel noxæ



accidisset à perpetrata vel omiffa in illis sanguinis  
missione , ut certiores & folidiores circa grave  
hoc in acutis V.S. negotium confequentiæ & re-  
gulæ poffent elici & formari in falutem ægrotan-  
tium & reliqua p.9. d. Abuf. V.S.

## VIII.

Purgantia medicamenta an in febris acutis,  
ipfisq; malignis locum inveniant, nec ne? quæ-  
ritur etiamnum. Eorum enim ufum plerique licet  
in ftatu faltem morbi damnent, non tamen funt  
nulli, qui eadem magnis efferant laudibus, LA-  
ZARUS imprimis RIVERIUS, T. WILLISIUS,  
T. SYDENHAM, G. HARRIS & F. HOFF-  
MANNUS. Videntes nimirum viri in arte falubri  
præftantiffimi, diarrhæas non raro falutares & cri-  
ticas in hisce morbis, non dubitarunt deinceps, ex-  
hibitis eum in finem idoneis medicamentis diarr-  
hæam artificialem excitare, quos tamen omnes fi  
curatius paulo întrofpiciamus, hand facile ultra  
clyfterum, aut tartareorum & lenientium ufum,  
quæ nemo unquam vocavit in dubium, proces-  
fiffe animadvertemus. v. F. H. d. diarrh. in febr.  
mal. Hoc vero loco imprimis valere exiftimaverim,  
quam in Actis Med. Berol. Vol. I. p. 13. legere eft  
cautelam: *Quicquid natura fuo agit confilio, Me-  
dico & patienti non vergit in præjudicium.* Alia  
eft emeticorum ratio, utpote quæ in acutarum ini-  
tio febrium sæpius feliciter adhiberi conftat.  
Quamvis, quid de methodo sentiendum fit GUN-  
DELSHEIMERI ac SWARTZII, vitriolum al-  
bum fcopo vomitorio & V. Snem alternis in fe-  
brium

porium petechialium initio non modo, sed & progressu diebus commendantium, suo uterque fato, eodemque funesto, nisi me fallunt omnia, docere possunt. vid. A.M.B.I. p.23. P. HOCHSTETTERUS, quid hac de re sentiat, huc declarat verbiis: *Nostri Medici vocati primum tempus invasionis morbi considerant, vires examinant, symptomata perpendunt-- Et alvum subducunt in principio clystere vel glande, quamvis pharmaca vix tribuant, nisi urine in principio aut nebuloſa aut crasse sint, vetus stercus non subierit, aut gravitas ad lumbos devenerit, aut flatus graveolentes prodierint, aut venter murmuraverit, ut d. Sen. docet l.c. p.70. Ac ne nimium catharticiſ tribuamus in acutis, facit immortalis BOHNII cautela, qui postquam, quæ suadeat, aut prohibeat, ad mentem HIPPOCRATIS, cruditatem scilicet & coctionem atque turgescentiam humorum cause ac erudite pro more exposuisset, porro, ait, in febribus purgationem dubiam reddit earum malignitas, & quidem hoc confirmante experientia, qua multorum cippis inscribenda erunt verba Hippocratis v. epid. passim obvia: Mortuus est, quia purgatus fuit. L.d. off. Med. p.273.*

IX.

Pulchre sane de universa medendi in malignis methodo suam profitentur sententiam Medici clarissimi Vratislavienses l.c. 1701. p.252. *Non proſcribitur in febribus contagiosis nobis V.S. nisi in circumstantiis planè singularibus. Non ex nostra mente locum in illis habent purgantia fortiora,*



*nec calidiora alexipharmaca , & ubique præter  
multiplicem experientiam huic curandi methodo  
præluce rationem in propatulo est. Hac enim aper-  
tissime dicitur materiam , quæ sub halitus forma  
in quantitate prorsus exili in corpus irrepsit , nec  
per venæ , lanceola aut scalpello aperte , vulnera ,  
nec per volumina intestinorum , quæ crassiorum  
excrementorum emunctoria sunt , exterminari è  
corpore posse , inuilem quoque prorsus esse profusam  
seri per sudores nimios excretionem. Neque est ,  
quod lapidem bezoar , ex oriente vel occidente ad-  
vectum , lapidem item porcinum , fabam S. Igna-  
tii , ( inter remedia dubia & suspecta à P. HER-  
MANNO d. M. M. relatam , vid. Acta Med. Berol.  
Vol. II. p. 57. ) aut lignum colubrinum , quod in il-  
licitis secretis eodem habetur loco , aut serpenta-  
riæ , virginianæ & Mungo radicem , cujus copiam  
ex Java asportavit , quamque in febribus putridis  
& morbis malignis , redux , feliciter adhibuit dum  
viveret , cl. E. KÆMPFERUS , sicut ipse Amœnit.  
Exot. Fasc. III. p. 577. refert ; aut sexcenta alia sub  
specioso alexipharmacorum , bezoardicorum , at-  
que antidotorum titulo venditata in scenam por-  
rò producamus. Satis enim , opinor , liquet , id  
quod in consiliis lubentissime fatetur J. CRATO ,  
diversitatem veneni pestilentialis , & verum spe-  
cificum remedium solius Dei Majestati reserva-  
tum & cognitum , nobis verò incognitum esse. Quo-  
cum paria THOMAS facit SYDENHAMUS ,  
mibi , inquiens , verisimile est , peculiare pestis re-  
medium propriumque ipsius perniciæ alexiterium  
ad-*

adhuc in natura sinu abditum delitescere, nec eandem, nisi ratione quadam mechanica, tolli posse. Neque vero plura, quibus tuto fidas, in prophylaxi, quam cura pestis morborumque malignorum superpetere præsidia, intelligamus, licet. Etsi enim H. MERCURIALIS venatores, & tabacopæorum tabernas, grassante pestis sævitie, à contagio mansisse immunes, J. de DIEMERBROEK suo quisque tempore observarunt, hæc tamen omnia, & si quæ sunt & laudantur, ab aliis alia prophylacticorum remediorum genera minus voto respondere, & spem hominum credulorum sæpenumero fallere, deducto ad varia sermone, egregie ostendit ill. BÖHNIUS d. prophylaxi pest. dubia, cuius inter alia notatu dignissima, hæc imprimis attentionem merentur: *Nec, quæ eum in finem commendantur antidota seu alexipharmaca, fida omnino dici merentur, non tantum, quod à plerisque scriptoribus, & practicis ingenuioribus de eorum existentia dubitetur, ac, quanam illa speciatim sint, ignoretur, sed abusus imprimis ratione, dum iisdem vel crebrius justo utuntur, vel aromatica & volatilia imprimis sua faciunt.* l. c. LV.

X.

De variolis & morbillis seorsim nonnulla adferre, eo magis operæ pretium erit, quo plures, & discrepantes ab invicem iisdem medendi laudantur methodi. Equidem plerique viam ab ipsa natura monstratam calcantes per remedia temperata & diapnoica & simile regimen, tum eruptionem exan-



thematum, tum maturationem promovere student; non pauci vero insigni moniti clade, quam hostis hic neutiquam contemnendus, adultis pariter atque infantibus quotannis inferre solet, aliam atque aliam quæsiere medendi rationem, alia quoque præsidia. Non mihi nunc de venæ sectione sermo erit atque clysteribus, utpote utrumque remedii genus nonnullis in variolis suspectum à summorum triga Medicorum, J. N. PECHLI-NO, H. MEIBOMIO, & J. G. BERGERO ita adsertum & vindicatum videns, ut rectus utriusque usus culpa omni vacare videatur. Neque pediluviorum prolixam faciam mentionem, de quibus R. J. CAMERARII placet sententia: *Inter curiositates nocuas pono, intempestivum illud studium, variolas ad partes ignobiliores, scilicet pedes, quotidianis pediluviiis derivandi, ni deturpetur facies: hac enim ratione virgo Belgica faciem pulchram conservasse legitur, succedente pedum paralyfi incurabili.* d. Variol. XII. Uti nec medicamenta examinabo, quæ ex mercurio & antimonio parare docet BOHNIUS, d. Variol. deque quibus magnifice loquitur, perfectam & radicatam variolarum curationem, ut & ceterorum morborum lymphaticorum in his rite paratis, hinc & myrrhatis consistere. Hæc enim & similia ad desiderata, minus verò acquisita, hætenus pertinere in aprico est. Eadem fermè remedia ad variolas commendat H. BOERHAVE, sed scopus & indicationes ejus videntur paradoxæ: ita enim Aph. Pr. 1388. seq. mederi docet: Indicatio videtur oriri hæc primo,

primo, ut stimulo *inflammatorio* ablato, sanetur  
 status præsens, & impediatur ulterior ejus progres-  
 sus, & proinde caveatur ejus *suppuratio*, gangræna  
 &c. Media huic scopo idonea quærit in *slibio* ite-  
 rum & *mercurio*, ad magnam penetrabilitatem  
 arte deductis, nec tamen salina acrimonia nimium  
 corrosivis, sed bene unitis 1392; sed nondum in-  
 venisse, hæc clara testantur verba 1391: *Quale*  
*inveniri posse, comparatio Historia antidotorum,*  
*& indoles hujus malifaciunt sperare, & ad inda-*  
*mandum impellit summa hinc futura humano ge-*  
*neri utilitas.* Fallor, annon desideratis jure an-  
 numeretur medendi variolis & morbillis metho-  
 dus, illustri quondam Archiatro Regio Borussico  
 A. GUNDELSHEIMERO usitata, utpote qui ægris  
 hisce morbi decumbentibus, alternis diebus me-  
 dicamentum catharticum è tartaro emetico &  
 manna calabrina aut cassia exhibuit, sepositis aliis  
 artificijs omnibus & regimine moderatissimo adhi-  
 bito. Quamvis enim de illa tale ferat judicium,  
 qui singula curæ momenta sollicite excussit, G. E.  
 STAHLIUS, experientia non minus numerosa,  
 quam constans testatur, nec certe composita ratio  
 dissuadet, quod potentior sit ad præoccupandas uni-  
 versas, tanto magis importuniores ejusmodi con-  
 currentes adversas atque contrarias causas, verbis  
 amen proxime antecedentibus methodum; quæ  
 per sola absorbentia, moderatissime data, & regi-  
 men temperatissimum observatum procedit, ceu  
 tranquilliores se communiter ipsum sequi fatetur  
 d. Variol. & Morbill. p. 48. Equidem plures su-  
 (B) 4 persunt



per sunt variolas & morbillos ex arte tractandi methodi. Quamvis enim longe maxima hominum pars, plebs nimirum & rustica gens omnis solis naturæ viribus confisa citius & majori securitate ex hisce morbis eluctetur, quam longo medicamentorum apparatu instructi ditiores; non tamen sedula mortalium curiositas, alia ex aliis quærendi artificia neglexit. Quemadmodum præter pulverem solarem Hallensem, magnis decantatum encomiis & Hirudinum usum, Judæis familiarem, methodus illa per insitionem seu transplantationem variolis medendi, multis attentionem mereri videtur, quæ nimirum pus ex pedibus variolis laborantium, ceteroquin sanorum hominum vitro exceptum, in alios, facta cutis incisione, infundere; & nucis cortice tegere, idque die 12. aut 13. morbi; hinc autem die ab insitione septimo, variolarum eruptionem, & justum hinc decursum, omni carentem incommodo, expectare jubet, atque ab E. TIMONIO, Medico Constantinopolitano, ad Archiatrum Regis Sueciæ S. de SKRAGGENSTIERNA, per scripta, à JACOBO verò PYLARINO, Consule Smirnenfi, KENNEDI, & A. LOIGH. experimentis confirmata, & à G. KLAUNIGIO M. N. C. Cent. V. VI. Obs. 2. p. 3. communicata est, Circassiis vero, Georgiis, Armeniis, Græcis, primam debet Originem. Ea vero, donec cum tempore factis pluribus & certioribus experimentis magis confirmetur & magis, inter remedia dubia paradoxa, atque incerta locum tantisper tuebitur, de quibus *ἡ ἀρχὴ* amplecti, tutissimum

tiſſimum erit. Vid. Annal. Vratiſl. 1717, M. Aug. p. 185. Neque majus prophylacticis remediis, ſi recte rem æſtimemus, pretium ſtatuendum erit. Licet enim *ἀνδρες*, eunuchi, caſtrati, aut quibus recens natis, notabilis pro ratione virium ſanguinis copia ex umbilico reſecto evacuatur, juxta RIO-LANUM à variolis atque morbillis immunes vulgo cenſentur. Ac tametſi anodynus multi cum WARNETIO (vid. Annal. Vratiſl. 1718. p. 1104.) mercurio dulci cum BOHNIO alii, acidulis verò medicamentis, ut reliqua prætermittam, cum J. J. WALDSMIDIO in cura æque ac præſervatione fidant plurimum, res tamen omnis in ambiguo verſatur, nec imminui idcirco funera, aut majorem adhibitis iſtis præſidiis ſecuritatem animadvertere licet. Quare recte omnino rem ponderaſſe videtur ὁ πάλιν G. H. WEDELIUS, qui examinatis variis, eum in finem laudatis remediis, vanis æque ac ſpecie blandientibus, tandem non niſi *balsamica, bezoardica, renovativa, mercurialia*, id vero eſt, generalia, commendat præſidia, ſed ita commendat, ut, quod addit, ſpem foveat, quæ adhuc non omnibus arrident, ſucceſſu temporis melius deciſum iri. d. præſerv. variol. fin.

XI.

Quæ ſuperſunt febrium exempla ſpeciesque, ut ſeptimanæ, octanæ, & ſimiles rarijores, mihi tamen nuper, ſemel atque iterum viſæ, nec non quæ mali moris, aut compositæ, vel ſpurix & mixtæ ſunt, & vel Hemitritæi aut Leipyriæ, Epialæ, aut ſimili veniunt nomine minus blando, an, quoad



curam ad desiderata vel explorata plus satis, pertineant, norunt illi, qui hæc aut ista morborum genera prudenter atque sollicitè unquam tractarunt. De hec̃ticis vero & tabificis febribus, quæ & ipsæ febribus continuis, sollicitè quoque tractatis magno Medicorum opprobrio succedere non raro solent, inferius sub phthisi commodior dicendi locus erit. Nunc illud solum disquisitione adhuc indigere videtur: an, quæ nonnullorum est sententia, febris à Medico nonnunquam excitari vel possit, vel debeat? Equidem HIPPOCRATIS L. II. Epid. clara est sententia: *Prudentis Medici est, aliquando febres accendere.* Cui A. C. CELSUS iisdem fere verbis adstipulatur: *Sed est circumspecti quoque hominis, & novare interdum, & augere morbum, & febres accendere, quia curationem ubi id, quod est, non recipit, potest recipere id, quod futurum est.* Hosque duces per omnia secutus est J. D. MAIOR d. Febre Artificiali. Et HIPPOCRATES quidem febres & convulsionibus & apoplexiæ & paralypsi & ebrietati, & doloribus atque obstructionibus hypochondriorum, & mania aliisque morbis supervenientes mederi, variis in locis, magna adserit fiducia. Quorum veritatem alii deinceps, v. g. H. ab HEER istud de ebrietate effatum, exemplis confirmarunt, quidam verò nonnulla vocarunt in dubium: uti C. HELWICH, *Ego sane, inquit, inter plura apoplexiæ exempla nunquam aliquem vidi per febrem ab apoplexia fuisse liberatum, licet multoties statim post insultum apoplecticum deprehenderim*

*derim pulsum verè febrilem.* Hist. morb. Vratisl. 1702. p. 20. Sed quicquid ejus rei sit, quæritur de re licita, aut minus tali, quæ tamen an in potestate sit artificis, nec ne, nondum est evictum satis atque explanatum. Equidem illustris G. C. SCHELLHAMERUS obsessi cujusdam meminit, sub altari celebrati illius Patavini Antonii detenti, in quo, quoties divinus Antistes nomine sanctissimi Salvatoris injungebat, ut febris in ipso excitaretur, pulsum talem celerem & frequentem apparuisse illico, ejusdem vero nomine interminante sacerdote, jubenteque, ut febrim faceret cessare, in momento stitisse iterum naturalem, compertum habet. Disq. d. pulsu p. 69. Sed causam experimenti, ut supernaturalem, merito laudat vir eruditissimus. Ira aqua frigida & oleo affuso rigorem procurare, & affricu salis & olei augere febres cum HIPPOCRATE & CELSO, modo laudatis, conantur multi. Præterquam vero, quod experimenta, quæ successerint, nulla memoriæ sunt prodita, merito sententia placet F. SCHRADRI: *Ut dicam, quod sentio, non videtur methodus hæc amplectenda, cum, practica regula sic jubente, nunquam nisi summa urgente necessitate remedium, quod simul obest & prodest, sit adhibendum.* d. morb. quor. salubr. XXV. Et F. HOFFMANNI d. salubr. febr. XXXVII. *Nolumus ejusmodi curationis genus copiosius reprehendere. Illud saltem dicimus, quod longe tutius sit, medicamentis validioribus, quæ motum injungunt, sanguini & humoribus causas morborum chronicorum remove.*



Internarum inflammationes partium, præsertim quæ multis magnisque arteriis, quas copiosus perfluit sanguis, gaudent, cum febres acutas & malæ sæpe moris, individuos habeant comites, non minimum in medendo faceffunt negotii. Tametsi vero plura earundem, & tot dantur genera, quot sunt partes internæ, copioso vasculorum textu refertæ, non tamen aliam novimus medendi rationem, quæ pleuritidi aut hepatidi, quam quæ phrenitidi, aut splenitidi, aut demum anginæ, si pauca excipias, suppetias afferat. De venæ sectione acres dudum viguere lites, quoad pleuritidem imprimis, de quo vid, Annal. Vratisl. 1718. M. Maj. p. 10507. Quam licet nunquam omittendam in cura inflammationum internarum non pauci existiment, multi tamen cum J. B. HELMONTIO, F. SYLVIO, D. LUDOVICI, R. BOYLE, pleuritides, aliarumque partium inflammationes, posthabita omni venæ sectione, solis remediis sudoriferis, ac dissolventibus, tempestive exhibitis sæpius cito & felicissime sustulerunt. LUCAS imprimis TOZZI, quem supra laudavimus, quid sentiat, hisce exponit: *Si experientiam appellent, qua plurimos per phlebotomiam sanatos fateantur, restor ex adverso ipse, multos me annos medicinam factitasse, & in xenodochio parthenopæo D. M. A. centenos & millenos brevi curasse, sine ulla sanguinis evacuatione, licet phrenitide, pleurisi, angina, hepatitide, hæmoptoe, erysipelate, omnisque generis febribus fuerint correpti; ut proinde iam in propa-*

propatulo sit , quamlibet posse agrotationem cito tutoque curari, absque ulla sanguinis effusione; & si illa aliquando locum habeat, in sanis potius & athleticis plethoricisque corporibus, ad plenitudinem minuendam, juxta Hippocratis mentem commendanda, ne in immedicabiles agrotationes incidant & suffocationis periculum incurrant. Comm. Aph. Hipp. L. I. 3. Sanguinis vero missionem, ut alii in hisce laudant morbis, alii verò, ceu noxiam omittendam censent; ita diaphoretica tum fixa, tum volatilia, & resolventia, ac diluentia, cum regimine tepido uno ore omnes commendant Medici Pragmatici. Hac si minus juvent, nihil profecto proficit vel valebit lapis bezoar, qui malis institutorum artibus ferè semper adulterinus est, nihil lapis histricus, vulgò pedro del porco, nihil os cordis cervi, nihil tinctura coralliorum cum spiritu cordis cervi, nihil cornu monocerotis, nihil margarita, nihil fragmenta lapidum pretiosorum, aurumque ipsum & apparatus antidotorum omnis, ac secreta quorundam, non tam solido, quam splendido cardiacorum ac bezoardicorum nomine nota, nec magis vulgi, quam magnatum opinione celebrata, quibus cor corroborari, & contra vim morborum muniri, & virus omne expelli è corpore putant, quæ sunt verba doctissimi J. G. BERGERI de Infl. Cord. XIX.

### XIII.

Moras justo longiores in inflammationibus necit sanguis, qui in hæmorrhagiis nimis ultra modum non raro profunditur, Ipse vero Hæmorrhagiæ



rhagiæ modo ex naribus, modo ex pectore, modo ex urinariis, aut uteri anique vasis fieri toto soleat die. Hæc si mediocritatem excedant, medelam omnino poscunt. Quæ singulis vulgo spondetur facilis atque expedita, eventu sæpius minus respondente, exemplo Hæmoptysis; de qua hodieque vera deprehendimus ista Poëtæ:

Cernis, ut è molli sanguis pulmone remissus

Ad stygias certo tranſite ducit aquas.

Sed & in hæmorrhagiæ cura uterinæ, atque hæmorrhoidum ultra modum profusorum, mictusque & vomitus cruenti, remedia licet optima præparata & recte usurpata, desideria languentium minus interdum satiare, quotidiana docet experientia. Ac licet ad retardatum quavis causa menstruum in fœminis & hæmorrhoidalem in viris fluxum consuetum, multa admodum laudetur præsidiorum farrago, ea tamen omnia sæpius frustra vocantur in usum, quam inexpertis fide videtur dignum. Neque enim pilularum Becherianarum, vel Stahlianarum etiam verarum, similiumque specificorum infallibilis amplius est efficacia. Quod certe opprobrium artis salutaris non est postremum, eoque durius genuinis artis filiis, & doloris plenum sensu, quod in re obvia & causis ut plurimum manifestis debita ægroto simul & medico suo, quod cujusvis est, munere rite fungente, parum adeo laude dignum præstare, miserosque ægros votis suis beare liceat. VALESCUS de TARANTA, nisi idonea victus ratio in mensium provocatione adhibeatur, medicamenta pa-

rum aut nihil juvare docet. Sed & hac rite observata cautela, irritos tamen non semel omnesprehendunt conatus juxta cum suis ægrotis Medici. Ac sæpe mali pertinaciam artem eludere, & optimorum remedium vim enervare, idque potissimum fieri, quando lumbrici in intestinis oberrant, ac tum frustra omnem impendi laborem, nisi cum uterinis & emmenagogis anthelmintica sociantur, C. HELWIGIUS autor est l. c. 1702. p. 73. Quam quidem observationem ad plures alios eosque infinitos fere casus applicari posse, eo minus dubitandum putem, quod multas omnino remoras sanguinis effluxum è locis pati consuetis quotidie observemus: ut adeoque non pauci in ea versentur sententia, emmenagoga non dari medicamenta, aut quæ hæmorrhoides impeditas in ordinem redigere valeant, eo quod medicamentis magnificis hisce titulis superbientibus exhibitis sanguinem quidem in suo per vasa itinere exagitari, corpusque universum calore perfundi, vias autem sanguinem minus legere suetas, animadvertunt. De quo, quisquis dubitat, Obs. XL. & XLI. L. I. J. N. PECHLINI haud difficulter convincetur, eundemque doctissimum virum non multum à nostris abesse conjecturis, hæc ejus verba docent: *At vero etiam accidit, ut omnis malitia frustra sit, & postquam fortissimis durissimisque remediis certatum, quæ errantem revocent sanguinem, nihil aliud, quam vana & dolorifica tum in lumbis, tum capite, fermentatio relinquatur, novisque præcipitantibus auxiliis, malaciam conciliare ipsa cogat necessitas.* l. c. p. 93.



Vitia hæc sanguinis erant, quorum medelam adeo difficilem, certe, non æque, ut vulgo creditur, promptam atque planam esse, hætenus ostendimus. Haud vero levioribus involuta tricis, lymphæ & glandularum vitia deprehendimus, SYLVIUS certe in praxi fatetur hinc inde, nondum se compertum habere, quo pacto glandularum morbis mederi conveniat. Enimvero licet eodem autore præstantissimo Medico, vitia nunc lymphæ & salivæ varia, ad gustum examinata imprimis, in numerato habeamus, & hinc inde legamus recensita, non tamen nisi vulgaria & incerta iisdem opposita præsidia, nec sine stupore animadvertes. Ingenue, ut solent, clarissimi Medici Vratislavienses, quod res est, hisce profitentur; *Arduum prorsus est, varias humeris seroso-lymphatici depravationes accurate explicare; Et nisi omnia nos fallunt, vitia lymphatum in quantitate, nisi quod defectus ejus in longa media, & atrophia satis notus sit, tum in qualitate, nondum exacte à quoquam delecta sunt. - Nec sane apparet, quæ via exacte vitia laticis seroso-lymphatici detegant. Certe laudabili studio quidam viri celeberrimi chymica hic instituerunt experimenta, sed nondum ea, quam cordati viri optant, hinc consecuta est utilitas! Et si quæ inde ad Medicos rediit, nulla est alia, quam, ut σοχασμὸς in eligendis remediis, aliquantò sit certior. l. c. 1701. p. 250. Exemplum egregium suppeditat γλωσσοῦ ἀμάρτυρον, seu amarescens linguae apex, in cuius causa*

causa indaganda, ut varias in partes ivere Medici,  
 sic remediis sedulo adhibitis affectus multo miror,  
 & rarius recurrens redditus, sed tamen non usque  
 adeo compressus & castigatus est, ut non sæ-  
 pius novos tumultus cieret, sicut penes A. DEO-  
 DATUM valet. p. 270. seq. latius videre est. Sed  
 ut hæc nemo in dubium temere vocaverit, ita spi-  
 rituum, quos vocant, animalium, seu generis ner-  
 vosi morbos, in eundem numerari censum ab ill.  
 BOHNIO, ut lateat nos, si non omnimoda, certe  
 maximam partem medela spirituum, male se ha-  
 bentium, mirabuntur fortassis non pauci, sed mi-  
 rari desinent, postquam exacto argumentorum  
 pondere, quibus hanc firmare thesin allaborat vir  
 doctissimus, non adeo paradoxum ad ultimum  
 comperient, ejusdem, quod repetita vice incul-  
 cat, assertum: Arti nempe nostræ ejusmodi defi-  
 cere remedia, quæ spirituum animalium inopiæ  
 suppetias adæquatas & immediatas ferunt, seu in-  
 eorum substantiam convertantur, horumque mo-  
 tus perversos emendent, ac ad impetus æquabiles  
 simulque vegetiores reducant. L. d. Off. Med. c.  
 XVIII. idem vero elegantissimis ad finem cap.  
 XXIV. L. I. Obs. verbis innuisse videtur experien-  
 tissimus TULPIUS, quando enarratis variis de  
 Hydrocephalo dissecto cruditorum sententiis,  
 sed, inquit, *exercitatiores confugiebant ad inge-  
 num illud: Quantum est, quod nescimus! velut  
 namque in aliis, sic certe credibile est, potissimum  
 nos cecutire in genuino cerebri regimine: cujus  
 opera multo fortassis sunt diviniore, quam quis-  
 piam hætenus suo comprehendit caput.*



Inter generis vitia nervosi principem omnino locum dolores occupant, utpote quibus, ut est apud CICERONEM, nihil magis in nobis contranaturam est, quorum causa miseri atque afflicti principes æque ac infimæ fortis homines, Medicis fiunt supplices, nihilque prius atque enixius ab iis flagitare solent, quam horum lenimen & allevamentum, omnibusque aliis, utut sæpe periculosioribus symptomatibus insuper habitis, hujus remedium serio desiderant. Neque verò medentes, qui gratiosi audiunt vulgo, usque adeo omnem exuerunt humanitatem, ut non precibus atque querelis languentium locum dare, eorumque miseriis subvenire, si possint, velint. Sed interdum doctus plus valet arte malum. Notavi unum alterumque ex cl. PECHLINI, & propria observatione cephalicæ seu Hemicranicæ potius periodicæ, nullis admodum remediis obnoxie exemplum in desideratis pathologicis. Similis autem dorsi & lumborum doloris admodum rebellis in appendice fiet mentio. Ac solent præsertim dentium & podagrici dolores vim remediorum mire eludere, ubi expertus testatur F. SCHRADERUS d. dolor. fin. ab eoque, quem modo laudavimus, cl. PECHLINO docemur, id quod ipsum experientia edocuit, ne uni quidem odontalgicæ verum, absolutum, & minime fallax specificum à Medicis productum esse, & tam magnifice conceptas spes, expectantium vota eludere. L.I. Obs. XIII. Quo quidem loco, cum dolores sæpenumero fixi, pertinaces,

naces, incurabiles, ab aneurismatibus oriantur internis, fatendum omnino est cum intelligentibus, & Medicis imprimis Vratislaviensibus l. c. 1701. p. 273. quod præclarissime de Medicina mereretur, si quis curiosius indagaret, & signa latentium aneurismatum detegeret, ac cum judice PARÆO incurabilia sint, rationem, qua ægri in tantis molestiis ex parte sublevari possent, solide ostenderet, quod nuper cl. BAGLIVIVS pollicitus est, se facturum. Huc pertinent polypi, calculi, vermes, & abscessus in cerebro latentes, qui medentis oculorum aciem effugiunt, interim sub consueta aliqujus morbi facie se sistunt, cujus ineluctabile fatum non nisi post fata per inquisitionem anatomicam quærentibus patescere potest, ut est in Actis Med. Berol. vol. 1. p. 48. Equidem non usque adeo rerum omnium sum ignarus, ut nesciam, opium, & remedia ex eo parata adversus dolorum furias, toto die & adhiberi & commendari à Medicis pragmaticis. Sed verò nec illud me fugit, hoc remedium genus, neque ab omnibus in tanta naturarum & morborum varietate, prout conveniebat, sed pro varia cujuslibet opinione varie adhiberi: *Id quod hoc quidem magis dolendum, quo certius est, nullum sape majus ab alio remedio auxilium, neque periculum in ullo remedio majus esse*, ut pro more eleganter advertit ill. J. G. BERGERUS d. vi opii Raref. p. 5. Ut vero opio multi multum, sic alii parum admodum in doloribus leniendis tribuunt, plerique autem rectum ejus usum laudant, abusus vero quosvis abominantur. Hos



inter agmen merito ducit vir amplissimis muneribus, & exquisita artis doctrina præstantissimus G. E. STAHLIUS. Is enim postquam varios & detestandos circa abusum opii notasset errores: *intanta, pergit, rerum perplexarum implicatione, tutissimum consilium fuerit optimum: abstinere: & hoc idem etiam facillimum. Proximum, circumspectissime in his rebus versari: sed puto difficillimum, propter præsupponendum habitum, prudenter circumspiciendi. Huic tamen difficultati subsidium non contemnendum erit, non locum dare opiat, nisi ubi vere, iterum dico, & iterum vere urgent symptomata. Tandemque hoc concludit voto: Veniet forte tempus ad posteritatem omnibus votis merito præcipiendum, quo ejus generis facinora severiore, quam nudarum dehortationum energia compescantur.* d. impost. Opii. cf. Annal. Vratisl. 1717. M. Nov. p. 291.

XVI.

Alterum cerebri & generis vitium nervosi, non minus horrendum convulsiones constituunt, & contractiones partium, modo omnium, modo harum, illarum, spasmodicæ, quarum illæ unde epilepsiæ & morbi fontici sacrive appellatione venire Medicis solent. His autem convulsionibus varia, & infinita vulgo opponuntur præsidiorum genera & sæpius frustra, ubi non est obscurum illis, qui ejusmodi morbos sedulo, nec perfunctorie tractant. Viri certe eruditi sæpius, sed nunquam sine horrore recordor, diris talismodi motibus convulsivis in facie & maxillis afflicti diu, tandemque

con-

confecti, quos remedia varia & selecta, summa  
exhibita industria, nec minori cura & sollicitudine  
usurpata, perque sat longum tempus continuata  
nihil equidem mitigare, nedum fugare valuerunt.  
Simile fortassis fatum in hujus cura morbi Medi-  
corum fuit Vratislaviensium, unde hæ eorundem  
querelæ fluere videntur: *Therapia hujus affectus*  
*maxime ardua, ac, qui vel parum hic promittere*  
*audent, vix ac ne vix fidem adimplent.* Felices,  
qui methodo præservatoria à fontico hoc malo indu-  
stria periti Medici præmuniuntur, ablatis epilepsie  
causis. Jam præsentē epilepsia omnis causarum  
varietas iterum iterumque diu anxie sub examen  
vocanda est, ac ne vera quidem inventa causa præ-  
cipitanter medela in malo inveterato promittenda  
est, nam non cessat, etiam remota causa, malum,  
nisi motuum convulsivorum tollatur assuetudo, quod  
forte omnium est difficillimum -- Nemo ex nobis  
cum Menecrate, de quo Athenæus l. 7. de philosoph.  
multis stipatus epilepticis, habitu Deorum vestitus  
in publicum prodire poterit l. c. 1699. p. 42. Eo-  
demque loco p. 37. de epilepsia infantum sequen-  
tia tradunt, ab omni jactantia aliena: *In idio-*  
*pathia, quo te veritas, vix apparet -- Hic, qui*  
*arcana sua jactant, qui plenis buccis in specifico-*  
*rum suorum laudes declamant, ostendant, præstent-*  
*que se viros! Quanta potuit industria & circum-*  
*specione, collegium nostrum adhibuit nobiliora re-*  
*media, nec tamen parentum lacrymas, sæpe par-*  
*cas, ut unicis suis parcant, placare cupientes, adeo*  
*frequenter abstergere potuit.* Equidem, cum ar-



canorum & specificorum incidat mentio, non  
prætermittenda videntur cl. Viri, M. B. VA-  
LENTINI, quæ diss. ep. III. d. nat. Med. p. 149.  
leguntur, præsertim cum plura in iisdem hodieque  
desiderari, in propatulo sit. Ita autem ille:  
*Novi empiricum, epilepsias habituales, unico, eo-  
que drastico remedio funditus extirpantem, ab  
omnibus alioqui pro incurabilibus reputatas - Vis  
autem & activitas remedii in eo latet, quod spiri-  
tum naturam in morbis illis succumbentem ele-  
vet: qui capit, capiat.* Ac solent imprimis, qui  
chymicis delectantur, ejusdem ope artis elaborata  
magnis evehere encomiis ad morborum gravissi-  
morum, & caduci, de quo nobis sermo, medelam,  
ut alios inter Medicum atque Chymicum non vul-  
garis doctrinæ J. A. STISSERUM, causam diffi-  
cilis ejusmodi morborum curationis chymicorum  
contemptui remediorum adscribere videmus. Qui  
proinde, quod horum elogiis destinavit, ita ordi-  
tur caput: *Epilepticorum, quamvis amplissimus  
penes practicos reperiatnr numerus, nihilominus  
tamen epilepsia satis frequens existit, & medico-  
rum sanationes illudere haud raro consuevit, nisi  
herculeo huic morbo generosis chemico artificio  
elaboratis, & non sine labore paratis obviam eatur  
remediis.* Quæ qualia sint, ad mentem ipsius, è  
sequentibus haud obscure elucescit, ubi præter sa-  
lia volatilia urinosa, è partibus animantium duris-  
si ignis expulsa, ex antimonio, mercurio, & cui-  
palnam præ reliquis tribuit, vitriolo, itemque fu-  
ligine non inelegantia parare docet remedia viri  
erudi-

ruditissimus. At vero his & similibus arte spagyrica confectis medicamentis, ut nihil detractum velim, & quæ de iisdem prædicantur, ad experientiae suffragia examinanda in posterum, censeam; ita remediis chymicis, nec minimum, nec nimium tribuere nobis cum J BOHNIO erit liberum, postquam eodem autore doctissimo viro, immodica ejusmodi encomia inflare sæpius videntur hominum imperitiorum spes, mox tamen destitunt, & propriis aliorumque experimentis edocemur, non evenire semper ac protinus ab illis, quod speramus, vovemus, fingimus, d. Med. Galen. & Chym. V. BARTHOLOMÆUS ipse de MOOR, Medicus in Belgio clarissimus, fuisse pertractata epilepsiæ & convulsionum curatione methodica, ubi ad specificorum mentionem sermonem delapsus videt, gradum quasi retracturus, & quæ dicere cœperat, retractaturus, & hac, inquit, est procul dubio pars curationis, quæ non tantum in hoc, sed plurimis aliis morbis maxime desideratur. Non desunt equidem descriptiones plantarum, animalium, mineralium, non desunt descriptiones remedium ad pompam concinnatorum, non desunt quoque encomia, quibus hæc vel illa simplicia aut composita celebrantur; sed si veritatem libere profiteri liceat, pauca promissis respondent. Pathol. Cereb. p. 436. Equidem plura inter alia, magnis ornata encomiis, singulare quoddam specificum, tum ad febres, tum convulsionem imprimis à DIPPELIO laudatum, ab eoque in Vita anim. morb. & med. c. 2. haud ob-



scure descriptum est. Oleum nempe foetidum ex parte quavis animalis, ( quam ad mentem quorundam sanguis humanus vel cervinus, ex aliorum vero sententia alia constituunt ) per retortam, destillare, & per frequentem, decimam minimum & quintam rectificationem ab empyrevmate liberare docet, ab hujus vero ad guttas 30.40 usu mirandos effectus in convulsionibus imprimis epilepticis spondet. Nec de nihilo esse promissa, J. JUNCKERI, & J. E. CAMERARII testatur industria, utpote qui medicamentum hoc sollicitè elaboratum, & magna circumspectione in affectibus convulsivis propinatum speciem in nonnullis subiectis minime fefellisse, experti sunt. Sed nec omnium expectatione epilepticorum hoc ipso remedio factum iri satis, exempla docebunt; quibus iidem cl. Viri medicamentum non minori sollicitudine, sed frustra propinarunt. Vid. Annal. Vra-tisl. 1717. M. Jan. p. 561.

## XVII.

Tonum partium nimis auctum atque intensum motus arguunt convulsivi, in cujus remissione seu atonia apoplexiam, & quæ hanc plerumque excipere solet, patet radicatam esse. De quibus nunc porro, ordine jubente, paucis acturus, opportune doctissimi recorder Medici Londinensis, quem THOMAM fuisse SYDENHAMIIUM, Hippocratici ingenii æmulum suspicatur, & ingenii candorem viri laudat, qui hæc refert, J. G. BERGERUS d. Apopl. II. Is enim à collega suo G. HARRIS interrogatus, quamobrem de morbis capitis

capitis nihil unquam in lucem emisisset, cum de morbis tot aliis tam feliciter tantoque cum applausu scripserit, respondisse fertur, illud propterea factum fuisse, quoniam illos curare morbos haud potuerit, id quod imprimis de apoplexia, gravissimo valere morbo, nemo illorum diffitebitur, qui ægrotis ejusmodi optima & selectissima propinavit remedia, sed effectum salutarem non nisi raro animadvertit. Clarissimi inter multos Medici Vratislavienses, qui nihil hic dissimulare solent, cum methodum vulgatam minus sufficientem esse, perspicerent, ad aliam, eamque tutiorem, ex aliis, mentem atque cogitationem vertebant, sed quo successu, hæc docent verba, digna, quæ hic repetantur omnia: *Cum vero hodie usitata apoplexia curanda ratio adeo parum succedat, sapius in mentem venit prisca methodicorum methodus, quæ moderna è diametro opposita est. Nam loco frictionum, vellicationum, crinium evulsionum, imperat hæc articulorum blandi tactus continentiam, id est suavem contrectationem. Nos hodie spirituosissimis aquis ac odoratis nervinis, verticem, tempora, vultum, spinam dorsi imbuiamus: methodici olim medias capitis partes & collum limpida lana tegebant, & fomenta olei dulcis, & calidi adhibebant, & expressis ex aqua calida spongiis vultum fovebant. Nos hodie spirituosam ac volatilia apoplecticis exhibemus; illi simplicem aquam sed calidam, aut mulsum infundebant. Nos acribus clysteribus alvum irritamus; illi clystere simplici ac blando intestina crassa eluebant.*



*bant--Verbo, nobis tonica & strictoria; illis relaxantia, ac stricturam nimiam solventia cura prora & puppis erant. - De hac prisca apoplexia medendi ratione iudicium ferri accuratum nequit, antequam eam in usum aliquoties vocaveris; in usum autem, ut vocet quisquam, non temere fuerim auctor, quomocunque cadat res, nisi animum plane adversus calumnias vulpinas, fraudes ac mille technas obfirmaverit. l. c. 1702. p. 36. Et quod paralyfin speciatim faucium attinet, iidem doctissimi viri, post recitatum triste exemplum morbi, omni adhibita sollicitudine curati, sed minus sanati, nec apparet, inquiunt, quomodo huic morbo occurrere debeat. l. c. p. 98. inficiandum ut adeoque non sit, hodieque cum veritate convenire oraculum HIPPOCRATIS II. Aph XLII. *Apoplexiam fortem solvere, impossibile est, levem etiam non facile.* Ac quæ à venenis, ut & à polypo producta fuerit, nullam hactenus medelam recepisse, non modo cum H. BOERHAVE aph. 1035; sed & idem effatum ad plures alias latentèsque causas extendi posse, fateamur licet. Quæ vero sub speciosis titulis circumferuntur medicamenta apopletica, & variæ imprimis aquæ destillatæ, quas vitæ vocant, de his merito audiendum est J. CRATONIS iudicium: *De aquis vita mortiferis nihil dico. Magna est varietas, summa in usu vanitas, atque non minus, quam ebrietas, quæ huius mali mater est, cum eodem modo cerebrum afficiant, nocent.* Cons. XXXVII. ut & J. J. WEPFERI, qui præ cæteris egregie de Apoplexia exposuit,*

Exerc.

Exerc. d. Apopl. p. 256. *Quod spiritus vini præstat, idem & juniperinus, cerasorum nigrorum, liliorum convallium, & similes valent, idque eo potentius, si infusis aromatibus imbuuntur. Hi si frequenter assumuntur, non solum cerebrum ad apoplexiam proclive reddunt, sed & nimium ingurgitati citra aliam causam soli illam sapius effecerunt.*

### XVIII.

Reliquos inter cerebri & generis nervosi morbos deliria imprimis multam medentibus causantur operam, nec tædii minus. De Melancholia, manifestum est effatum N. TULPII, veritati omnino congruum: *Velut non cujusvis est, melancholicis mederi, sic difficulter quoque eradicantur clanculum ex iporum animis imagines ab atrabile, falso impressæ.* Obs. L.I. cap. XVIII. idemque de mania multo valet magis, ut solet, aucto morbi gradu iste in hunc non raro facessere. Tametsi enim cl. M. B. VALENTINI eruditissimum noverit Auliatrum, draustico pharmaco, maniam curantem, vix paucis interpositis specificis l. c. vehementer tamen dolendum est, artificem cum suis arcanis non pluribus bono innotuisse publico. Mihi de ejusmodi specificis sententia placet B. ALBINI, Medici Lugdunensis in Batavis clarissimi, quando exposita medendi ratione in mania hætenus recepta, porrò capite XVIII. de mania ita tradit: *Alia, quæ desuper tanquam specifica commendari solent, cerebrâ nempe canum, arictum, sanguinem asini post aures incisi collectum*  
sicco



*Seco prætereo pede; à celeberrimis enim viris, qui hæc commendant, dissentire nolo, nec hætenus tamen consentire possum. Dabit dies meliora & certiora. Sed aliud superest, idemque miserrimum, juxta CELSUM, morbi genus, in quo æger à cane vel alio animali rabido morsus simul & siti & aquæ cruciatur metu. Ex quo sævissimo delirio, cum ad ἀγῆν pervenerit, neminem ferme sanatum annotarunt scriptores ex antiquitate superstites GALENUS, DIOSCORIDES, CELSUS, SCRIBONIUS LARGUS, ut penes MARTINUM est LISTERUM Ex. d. Hydroph. p. 42. Ac licet à CELSO laudatum præsidium, improvisum nempe ægroti in piscinam vel fluvium immersionem plures deinde imitati fuerint, successum tamen non æque optatum experti, uno nunc ore fatentur omnes, ubi rabies & aquæ metus ad complementum accesserit morbi, hæc atque alia præsidiorum genera irrita esse omnia: Quamquam, ut B. ALBINUS monet, cum Paræo suaderem, ut magis aliis fiderent remediis, cum fieri quidem possit, ut fermentum id ejiciatur, sed fortasse id fieri non possit, nam quod per forte affirmatur, id per forte etiam negatur, plurimosque mari immersos factos esse hydrophobicos, Ferandum Pouzet, Cardinalem, recensere ait l. c. Ac multum fallor, aut radix mungos, cujus infallibilem virtutem adversus canis rabidi morsum, in brutis æque ac hominibus multis successibus expertus est C. KÆMPFERUS l. c. alcali item vegetabile, Sanatodos dictum, ac cantharidum infusum, & nonnulla alia*

à SYLVIO BOCCONE Obs. curios. passim hunc  
in finem commendata, eundem in censum collo-  
canda erunt, in principio & à morfu mox exhibita  
aliquem ut laude dignum, aut nullum præstent  
effectum. Nam, ut apposite HERMANNUS  
monet BOERHAVE, aph. 1139. *A nata medi-*  
*cina huc usque omnes ferè artis principes deplo-*  
*rant, demorsorum prophylaxin vix ullam certam*  
*haberi, & jam aquam paventium sanatorum ex-*  
*emplum dari certa fide nullum. Maxime vero do-*  
*lendum, post secula illapsa irritum successum ha-*  
*ctenus applicatorum deplorantia, non esse tentatas*  
*diversas à primis methodos.* Porro autem aph.  
1146. 1147. quæ desideret, exponit cl. Vir: *Nec*  
*desperandum tamen, ob exempla, jam in aliis*  
*venenis constantia, de inveniendò hujus singula-*  
*ris veneni antidoto singulari. Hactenus vero nul-*  
*lius ea comperta fides, cui credi queat salus miser-*  
*rime periclitantis hominis, cum nullum sit notum,*  
*cujus experimenta certa, sed vel speculationi or-*  
*tum debeat, vel descriptis ex alio confisum sit.*  
*Nec Aschryonis apud Galenum & Oribasium*  
*arcano de cancris combustis, nec Scribonii Largi*  
*famigerata Opiata ad rabiem Siculorum, nec Pe-*  
*regriini consilio de pelle Hyene, nec Actii, Ruffi,*  
*Posidonii, cinere cancrorum cum theriaca, nec*  
*jaçtata Palmario medela, vel nimis laudato*  
*Meyerne, Grevv & venatoribus stanno cum mi-*  
*thridatio, nec in somniis sacris revelata radix cy-*  
*norrhodonis, aliisve in cœlum elato lichene cine-*  
*reo terrestri, pimpinella, jecore rabiosi canis ex-*  
*usto,*



*usto, & similibus, exceptis.* Quod si vero ipsa jam rabies ægrum invaserit, atque ejus jam sit furoris, ut spes vel exigua vel nulla restitutionis supersit; tum equidem ad mentem nonnullorum, quos inter est J. GERDESIUS d. Hydroph. XXX. ea o-mittenda non sunt, quæ vel minimam spem atque speciem ægri restituendi præ se ferunt; hinc quoniam anceps remedium melius est, quam nullum, sanguinis transfusio instituenda erit: quo quidem loco integrum processum & cautelas satis sollicitè expositas videre est. At enim vero dubium hoc valde remedii genus magnis haud ita pridem in scholis medicorum celebratum encomiis, cur nostris temporibus venerit in desuetudinem, non aliam crediderim causam, nisi infaustus, qui medicos ab ulteriore tentamine deterruit, rei gestæ successus. Illustre fateor est exemplum, quod J. DIONYSII suggerit epistola de inveterata dementia per sanguinis transfusionem Lutetiæ Parisiorum sanata in Act. Phil. Angl. 1668. p. 504. sed longe foret luculentius, si ultra duos sanatio menses perdurasset cf. p. 588. Sic & nostra memoria cl. CHILIANI, Medicus Vismariensis duo chirurgiæ infusoriæ suppeditat paradigmata cum balsamo de mecha tentatæ, alterum in ulcere maxillæ venereo, in dolore capitis alterum. Sed, ut quoad alterum beato optatus est eventus, ita in altero expertus est, remedia optime excogitata pessime nonnunquam cedere. Vid. Annal. Vratisl. 1718. p. 993. Aph. 1086. Nobis de hoc quidem invento novo cum non liceat prolixius nunc digredi, suffe-

fuſſecerit illuſtris Dani ſententia Medici , OLAI  
inquam BORRICHII , qui data occasione  
uſe enarratis commodis ſimul atque incommo-  
dis à chirurgia infuloria & tranſfuloria expectan-  
dis , cautelis item haud parvi momenti ſuggeſtis ;  
*ad ſummum* , inquit , *laudamus illuſtria molimi-*  
*na , ſed experimentorum adhuc continuationes ,*  
*variationeſque deſideramus tentamentorum , an-*  
*tequam fidem noſtram obligent in ſolidum ; id in-*  
*terea neutiquam diſſimulantes , commendandum*  
*eſſe rerum magnarum conatum , licet non ſemper*  
*reſpondeat eventus.* Diſſ. Acad. II p.88.

XIX.

Viſis nunc iis , quæ circa potiores cerebri  
morboſ , cum de omnibus agere , conſtitutum  
non ſit , hodieque deſiderantur ; non eſt , quod in  
vitiis oculorum ( quorum medelam elegantioſam  
& felicitoſam per ſelecta & exquiſita magis reme-  
dia , quam quæ haſtenus innotuere , ſollicitè deſi-  
derare J. SCHRADERUM , Medicum in Belgio  
clariffimum , ex humaniſſimo viri recordor diſ-  
curſu ) aut aurium , faucium & linguæ , dentiumque  
deſectibus recensendis prolixam impendamus ope-  
ram. In hiſce enim multa admodum eſſe , quæ  
deſiderari queant , non niſi illoſ fugit , qui ad eo-  
rundem medelam raro aut nunquam accedunt.  
Pectoris inter vitia tuſſis quidem eſt vulgatiſ-  
ſima , quæ parvi plerumque penditur , utpote re-  
mediis domeſticis haud difficulter obediens.  
Hanc vero non eadem tolli ſemper facilitate , illi  
norunt , qui ad tuſſim infantum convulſivam haud



ita pridem nobis epidemiam selecta magno studio nobiscum propinarunt medicamenta, nec tamen nisi raro effectū fausto beati. Sic & Raucedo, familiare & leve, ut putatur, malum, multum non raro in curando facessit negotii; veritatem oraculi Hippocratici II. aph. 40. multi ut experiantur cum Vratislaviensibus hodieque Medici. Solet vero utrumque symptoma, Raucedo nimirum & tussis, prodromus partim, partim accidens morbi existere gravissimi, qui phthisis audit, & in exulceratione pulmonum cum febre hectica communissime fundatur. De cujus curatione mali licet multi multa glorientur, una tamen prudentiorum est sententia Medicorum, nullam id medelam admittere. Instar omnium insignis est casuista B. TIMAEUS à GULDENKLEE, qui uxoris occasione hoc fere confectæ malo, hanc acerbam fundit querelam: *Ego cum nihil intermiserim, quod ad morbi curationem quovis modo facere poterat, nec in tota praxi mea, quam triginta septem annis exerceo, quempiam ulcere pulmonum affectum integrè sanitati restitutum viderim, tandem in eam deveni sententiam, phthisin proprie sic dictam, quæ cum pulmonis exulceratione conjungitur, humana arte perfecte sanari non posse L. II. Ep. 4. Equidem G. BAGLIVIVS utrique, & morbo, & desiderio medelam paraturus, phthisis, inquit, ab ulcere pulmonum, vulgo pro incurabili derelinquitur, quia, ut ajunt, tale ulcus internum est, & occultum, nec ut alia externa ulcera, mundificari & à pure abstergi potest; sed quare non id agunt Medici, ut in-*  
vest.-

vestigant ulceris situm, coque detecto, sectionem inter costas instituunt, ut medicamenta introduci possent, rationem sane non agnosco. Prax. Med. L. II. § 1. Et hac quidem ratione, ulcus pulmonum perfectum curatum esse, ex Actis philosophicis Anglicanis in Actis Erud. Lips. 1705. p. 331. memoriae est proditum. Sed, qui noverit, id quod J. H. SLEVOGTIUS, rarioris doctrinae, nec vulgaris experientiae Medicus, praecclare ostendit, phthisin non semper in ulcere pulmonum fundatam esse, eum necesse est, agnita hujus quoque praesidii insufficientia, si quidem cordatus, ut par est, Medicus existat, ubi ad lectum phthisicorum venerit, pudeat suae impudentiae, & pigeat artis adeo inopis auxilii, tædeatque, re ipsa comprobari, phthisin esse opprobrium Medicorum, quae verba laudati sunt viri, quibus schediasmari de phthisi Med. opprobrio colophonem imponit. Ut vero pulmonaris, sic & aliarum partium tabes ad lethum plerumque recta deducunt via. Quemadmodum tabis dorsalis tale inter alia legimus prognosticon apud N. TULPIUM L. III. obs. cap. 24. *Per-  
vicaci sacrae hujus fistulae tabi auxilia medica esse,  
non solum infirma, sed ausim dicere nulla.*

XX.

Sunt vero & alia in pectore & corde imprimis vitia abscondita, ut calculi, vermes, polypi & similia, tum varias alias molestias, tum frequentes imprimis lipothymias, palpitationes & angustias praecordiorum, cum spiritu difficili inferentia, quarum causam afflictionum si cor in se ipso alat,

(D)

raro



raro perfectam curationem admittit; excreſcentiæ vero ejus, ruptæque & exelæ valvulæ & vitia ſimilia ut cognoſci certo nequeunt, ſic etiam artis operam viresque eludunt, quemadmodum eleganter docet, quem ſæpius laudavimus, J. G. BERGERUS, d. palp. Cord. XV. Quo quidem loco, *Nec vero, pergit, concretiones illius polypoſæ, antequam perfectæ fuerint, cognoſcuntur, & ſi cognita ſint, ſero venit, & fruſtra eſt omnis medicina.* Ac licet peculiari nec ſuperficiario labore, polypum cordis & noſſe & curare docuerit vir multis illuſtris meritis, ad ultimum tamen hæc lubens fatetur: *Quod ſi vero adhibitis adhibendis, actisque omnibus eger ad priſtinam valetudinem non redeat, ſed polypus in corde longiore tempore obduruerit, deſperandam eſt de illius reſtitutione, quia ignota ſunt remedia, quæ corpus tale compactum perfecte diſſolvere poſſint.* Accedit & iſtud, quod difficilem non minus curam, quam diagnoſin & prognôſin ad mentem T. WILLISII difficiliorem & magis obſcuram reddit, quod non niſi conjectura aſſequamur, ad eſſe polypum, & eadem ſymptomata ab alia cauſa produci poſſint: Si ergò omni adhibita induſtria illa tandem ceſſent, incertus adhuc es, num polypum vel aliud vitium curaveris? ſi enim mors ſupervenerit, & anatome tibi, polypum ad eſſe, monſtraverit, certus inde ſis, te bene conjecturaſſe, ſed jam etiam certo ſcis, te omnibus tuis medicamentis nihil effeciſſe, ut putem, per experientiam nobis nunquam conſtare poſſe, quænam medicamenta curando poly-

po

pe inserviant, ut scite B. ALBINUS d. polyp. XVI.  
advertit.

## XXI.

In morbis verò pectoris reliquis nullum facile  
medentum attentionem excitare, nullum etiam  
spes eorum frustrari magis, quam hydropem pec-  
toris videmus. Hic enim versipellis vitæ humanæ  
hostis, ita nonnunquam furit, sævaque excitat  
symptomata, ut animæ corporisque non sine cau-  
sa brevi metuas divortium, quod tamen, functio-  
nibus omnibus ad pristinam mox activitatem rede-  
untibus non nisi multo exacto tempore evenit.  
Sicut ex adverso, ubi fausta & salutaria apparent  
phænomena, extrema, quod nemini venerat in  
mentem, nonnunquam instare, exemplis discimus.  
Sed, quicquid ejus rei sit, affectus omnium exper-  
torum testimonio est curatu difficillimus, & tan-  
tum non impossibilis. Quamvis enim non desint,  
qui morbum per mercurialia, nervina, emetica,  
millepedes, & varii generis diuretica, ipsamque  
paracenthesein curatum, editis eam in rem obser-  
vationibus, tradiderunt, quod nuper admodum  
A. HÜTTERUM, Chirurgum Noribergensem,  
fecisse novimus, hæc tamen omnia & si quæ sunt  
similia, ex sapone veneto, aut aliis ex rebus variis  
confecta remedia, irritò sæpius conatu propinata  
esse, aliorum, qui nec sibi nec aliis blandiuntur,  
loquuntur observationes. Quos inter luculentum  
collegii imprimis medici Vratislaviensis testimo-  
nium, eodemque observationibus de hydropem  
pectoris, magna circumspectione institutis & fide-  
(D) 2 liter



liter descriptis finem impositum deprehendimus, estque ejusmodi: *Quantumvis autem varia ha-*  
*Etenu*s remedia recensuerimus, quibus malum hoc debellari queat & debeat, pro candore tamen nostro non ducimus esse dissimulandum, quod multoties malum hoc tam rebelle sit, ut acri non tantum non curentur, sed ne quidem symptomata eorum mitigentur. Quo in casu medicamentorum avara manu acri danda esse, credimus, imo Medicos nihil à Christiana pietate alienum facturos putamus, si prorsus à remediis exhibendis per tempus abstineant.

XXII.

Enimvero hydrops in universum omnis, seu totum corporis habitum, sub Ascitis, vel Anasarcae & Tympanitis denominatione, sive hanc illam corporis partem occupet, scandalis Medicorum à multo retrò tempore adnumeratus est. Quo vero jure, quave id factum injuria, videant, quibus volupe & otium est penes J. BOHNIUM Progr. ad diss. Inaug. d. Hydr. d. Berghold. Divus certe Senex d. Intern. Affect. text. XXVII. *Morb*us, inquit, *gravis est hydrops, & pauci hunc effugiant.* Eademque ARETÆI est sententia, quam L. 2. d. caus. & sign. diut. morb. prodidit: *Ab hydropse per pauci liberantur, idque felicitate quadam Deorum potius, quam artis auxilio.* Cujus quidem rei cum indies ingenti hydropicorum fati cedentium numero admoneamur, tanto est mirandum magis, aëros ejusmodi præter rationem bene sperare, id quod huic morbo cum phthisi

commune, utrique vero proprium deprehendimus. De eo vero J. H. HEUCHERUM, virum doctissimum ita differentem audire juvabit: Si quod est genus agrorum, est sane hydropicum, quod videtur velle & optare, ut prolixam amplissimamque spem faciat Medicus. Nam quamvis periculi satis hydropi graviori liberentur. - hoc nihilominus plures eorundem, hydropi correpti vivendi cupiditatem pariter & mali ostendunt tolerantiam planè singularem: idque faciunt non tam quadam vel animi alacritate, vel spe, quam ipsa morbi natura inducti. Neque verò tam licet ejus cupiditatis reperire causam, quam mirari, qui fiat, quod cum in aliis, iisque non tam periculosis affectuum generibus, abjicere animum agri soleant; in hydropi solo cum tam longas spes concipiant, tum tanta vivendi cupiditate teneantur. Caut. in cogn. cur. hydr. necess. p. 15. Equidem nondum memoria excidit, inter initia praxeos, datum forte unicum medicamentum, virtute imprimis diuretica eminens, anasarcam in juvenula, simul & semel per singularem Dei gratiam propulsavisse. Sed nec illud omittendum, magna alias circumspectione, purgantia modo fortiora, modò mitiora, aperientia, salina, amara, ipsamque paracenthesin & similia pro re nata à me aliisque in hydropicis applicata, sed effectum minus salutare dominata fuisse. Ac licet diaphoreticis præ reliquis medicamentis cum T. BARTHOLINO nonnulli; opiatibus verò M. ETTMULLERUS; martialibus atque antimoniatibus invicem mistis



F. HOFFMANNUS , T. SYDENHAMIUS & R. LENTILIUS; rhabarbarinis demum J R. CAMERARIUS; aliis alii multum tribuunt; nobis illustis , quem modò laudavimus , Archiatri, eo magis sententia placet, quo propius à veritate abest. Ita autem ipsi l.c. p.18. loqui placuit : *Videntur ii parum cauti, si qui jactent medicinam, omni superando hydropi parem. Vana est isthac ostentatio, & crassa suspicionem ignorantia affert, nescientiamque prodit tot tamque variantium, unde emergit hydrops, causarum.* FRIDERICUS ipse RUYSCHIUS, Medicus atque anatomicus sine exemplo maximus Obs. anat. chir. XLVI. hunc in modum scribere non dubitavit : *Quis medicorum curare potest hydropem, ascitem limosum, membranis inclusum?* Ac paracenthesin sigillatim in hydrope tanti non esse momenti, nec adeo temere instituendam, prout nonnulli voluere autores Obs. XLV. docuit. Quisquis vero de illo dubitat, Historiam quæso morborum Vratislaviensium iterum introspiciat, ac 1699. p. 124. annotatum inveniet, collectores ejus ab omni furore & jactantia alienos, post adhibita purgantia, aperientia, alterantia, cachectica, martialia, mercurialia, antiscorbutica, hypochondriaca, diuretica, roborantia, atque externa quoque topica, sed frustra adhibita ita conqueri: *Nec tamen magnus est hydropicorum numerus, qui sollicita nostra cura à nobis fuerunt liberati, & singulari Dei benignitati potius, in hisce quoque, qui evasere, auxilium & sublevationem tribuimus, quam me-*

dicamentorum viribus cum Valeriola L.1. Obs.2.  
narrante, quomodo ascitica uxor congruis à se  
presidiis restituta.

XXIII.

Iisdem vero doctissimis auctoribus quantum  
ars valeat, in gravissimis ac diuturnis cruciatibus,  
qui vel peritonæum, vel membranas, quæ abdo-  
minis ventrisque partibus obtenduntur, afficiunt,  
quosque nonnulli colicos, & FERNELIUS quidem  
nothos, RIOLANUS vero piétavienses appellat,  
edocemur. De hisce enim, ut Aph. XI. Sect. IV.  
HIPPOCRATIS merito intelligitur: *Quibus  
termina, & circa umbilicum dolores, & lumbo-  
rum dolor, qui nec purgantibus, nec aliter solvi-  
tur, in hydropem siccum firmatur*; ita illos neque  
clysteribus, neque fomentis, neque medicamen-  
tis, nec aliis remediis, quibus colici dolores miti-  
gantur, placari solere, sed & apud Vratislavien-  
ses, ubi frequentiores sunt, quam inexperti cre-  
dant, admodum rebelles esse, & fere tympaniti-  
dem præcurrere l.c. 1700. p. 176. annotatum vi-  
demus, cum addito: *Quomodo huic occurrendum  
malo, edoceri cupimus ab aliis; nos enim omnia  
tentantes, hætenus sæpe successus destituit.* Idem  
vero omnino de passione valere iliaca, morbo, ob  
truculentam faciem miserere mei alias dicto, nemo  
nisi qui ægros eodem afflictos, qui & carminativa  
& laxantia & clysteres & nitrosa, ipsaque mercuri-  
alia (de quibus BOHNIUS cum SYDENHAMIO  
judicat, ea si non noxam inferant, certe quod de  
iis jactant plures, minus aut raro præstare) aut



phosphorum ipsum (juxta Hist. Morb. Vratist.  
1701. p. 503.) & sexcenta alia frustra admiserunt,  
aut plane non, aut paucos vidit, temere ibit infi-  
cias. Equidem multos inter alios P. BARBETTE,  
quid in cura hujus gravissimi morbi desiderer, hisce  
declarat: *Mediis ordinariis nihil efficientibus, cu-  
rabitula magna sine scarificatione saepius parti do-  
lenti apponi potest, atque iterum auferri. Annon  
etiam prestaret, facta dissectione muscularum &  
peritonai digitis susceptum intestinum extrahere,  
quam certa morti agrotantem committere.* op.  
chir. edit. Genev. 4. p. 512. Sed enimvero hoc  
remedii genus desideratis medicis vel maxime an-  
numerandum esse, tum res ipsa loquitur, tum à  
R. LENTILIO Jatrom. p. 401. seq. solide evi-  
ctum est. Ceterum dolores colicos genuinos, mi-  
nime raro transire in abscessum, & spurios illos in  
apostema aliquando degenerare, id quod experi-  
entia confirmat, quos modo laudavimus cl. Vra-  
tislaviensium Medici l. c. annotatum reliquere.  
Talismi modo abscessus, qui mesenterium aut  
hepar, aut alias abdominis partes obsident, sicut  
quoad pathologiam & signa imprimis à J. FER-  
NELIO & D. SENNERTO desideratorum ha-  
bentur in numero; ita si MICHAELEM audias  
ETTMÜLLERUM, Medicum certe pragmati-  
cum peritissimum, ex abscessu & ulcere hepatis,  
adde & reliquarum partium, nisi superficiale &  
leve fuerit, pauci sunt, qui evadere solent. Ac  
si demum ea excipias, quæ à cl. H. MEIBOMIO  
de Abscess. intern. opere posthumo sunt annotata,  
pauca

pauca in Medicorum monumentis reperies, quæ  
Te in cura abscessuum internorum juvare queant.  
Nec vero dysenteria minus, cujus ætiologiam, ut  
& purgantium operandi modum ἀππντον appposito  
vocat STAHLIUS, ubi ad curam ventum est, de-  
sideratis erit adnumeranda, aut ego multum fal-  
lor. Licet enim in illa multa à multis, & laxantia  
à plerisque, à quibus G. C. SCHELHAMERUS,  
& B. de MOOR discedunt, emetica imprimis be-  
nedicta ipecacuanhelradix; diluentia ἀνω κ̃ κατω  
applicata à T. SYDENHAMIO, & J. E. SCHA-  
PERO; opiata a plurimis, quos cum T. MINA-  
DOO A. THONERUS redarguit; cortex item  
chinæ à R. J. CAMERARIO una cum aliis mi-  
stus, & infinita demum alia commendentur; ea  
tamen nobis mens sedet cum C. HELVICHIO  
Hist. morb. Vratisl. 99. p. 101. quod commenda-  
tiones medicamentorum effusæ, quæ tamen cre-  
dulos misere ludificant, non aliunde oriantur,  
quam quod adhibitis plurimis remediis, ultimo  
præprimis si tum æger fateatur, se levamen sentire,  
præpostere affectus transcribatur. Nec vero  
multos admodum sentire levamen, funera testan-  
tur, quæ non obstante auxiliorum abundantia, tum  
alias tum præterito imprimis autumno, prævia  
æstate calidissima, in variis Germaniæ, imo to-  
tius Europæ locis, denso admodum agmine elata,  
omnes recordamur,

#### XXIV.

Hiscæ autem & similibus excutiendis si diutius  
inimorari animus esset, nullus facile morbus præ-



termittendus foret, qui non hac aut illa in therapia desiderata suppeditaret. Potiores tantummodo, velut in exemplum adducere dum nobis est propositum, calculus nunc porro, renum imprimis & vesicæ examinandus venit, cujus medelam eo majori cura & sollicitudine à medentibus efflagitare solent ægri, quo majores sunt cruciatus, & humanam fere frangentes patientiam, quos à duris hisce corporibus illatos videmus. Equidem Medicorum non minus anxium atque flagrans offendimus desiderium, miseris ejusmodi ægrotis, optatas pro virili ferendi suppetias. Quem in finem varia laudantur medicamenta, tum pellendi, tum comminuendi, aut præcavendi, & sedandi demum, seu anodynoscopo. Lithontrica uno vocantur nomine, quæ calculum frangere creduntur, quæque à multis laudantur varia, ab aliis vero alto supercilio contemnuntur; quorum causam defendendam imprimis suscepit J. A. STISSERUS Act. Lab. Chym. II. 6. ubi inter alia, *Firmiter inquit, credo, non solum in regno animalium, verum etiam vegetabili & minerali, inesse remedia, quibus calculus comminui queat.* Tales autem remedium non unum omnibus adæquatum, sed pro causarum varietate varium arguit esse debere, quo pollet, judicio practico, nec acidis solum & causticis, sed & insipidis magnam in calculo comminuendo adscribit efficaciam vir doctissimus. Horum autem omnium licet ingentem facile coacervare catalogum, multis stipatum elogiis in proclivi sit, nobis tamen sententia acridet cl. PECH

**ILINI:** *immutare quidem, ejusmodi remedia, non-  
nihil fermentum renum, non invitus concedo, &  
prohibere, ne lapis concreascit, at concretum jam  
dissolvere, prodigio proximum est. L. I. Obs. XIII.*  
Ac multum vereor, ne eandem mereantur censu-  
ram remedia, quæ à J. R. CAMERARIO Syll.  
Mem. Med. Cent. VIII. 73. 76. cum multis elogiis  
commendantur, ejusdemque sint tribus, quæ tum  
alibi locorum, tum in Historia Morb. Vratisl. 99.  
p. 133. 153. sed non sine addito tali judicio, recen-  
sentur, quale à doctis atque expertis ejus collecto-  
ribus poterat expectari; **HIERONYMI**, ex-  
emplo **CAPIVACCII**, qui fatetur, se nescire,  
quæ calculum in vesica frangere queant; & **ERA-  
STI**, qui persuasum inquit, habeo, lapidem vesicæ  
dissolvi remediis intra corpus non posse, nec non  
**A. DUDITHII**, cui medicamentis intra corpus  
concretos jam lapides atteri atque confringi posse,  
non videtur simile vero. In hisce enim cumulandis  
ne nimii nunc sumus, illustris facit **WEDELII**  
*in pinguis*, quæ, cum instar omnium sit, ex diss. d.  
**Calculi Mechanica** p. 38. h. l. repeti meretur:  
*Quicquid horum sit, pertinet hoc ad desiderata  
medica, saltem nota in hunc usque diem id non  
prestiterunt. Si qui autem arcanum hoc revera possi-  
dent, æternam merebuntur famam, si id dignis  
revelaverint; quod si non fecerint, nec experi-  
mentis comprobari possit effectus, ne nominandi  
quidem fuerint.*

XXV.

**Doloribus nephriticis cum arthriticis multum  
inter-**



intercedit affinitatis; ab his vero haud quaquam  
facilius, quam ab istis liberantur miseri. *Neque  
enim, si J. JACKSONI credimus, hoc in casu  
quicquam prestare, possibile erit, donec remedia  
nobiliora & magis exaltata, quam quae hodie apud  
Galenicos & Chymicos artis filios vulgo prae-  
stant, nobis innotescant.* Enchir. Med. p. 118. Quod  
idem, tum variis in locis, tum hisce verbis THO-  
MAS confirmat SYDENHAMIUS: *Si quis ob-  
jiciat, multa esse remedia specifica ad podagram,  
ego me ea nescire, lubens fateor: & vereor, ne pro-  
missores isti perinde sint ignari, ac sum ego. Equi-  
dem plura inter alia praesidia, quorum catalogum  
hic necere superfluum erit, Moxa ex oriente allata,  
multo pridem cum strepitu commendata fuit; sed  
haec, cum, judice cl. SLEVOGTIO, ultra vires  
blandorum cauteriorum, quorum usus antiquissi-  
mis temporibus notissimus extitit, non multum ha-  
tenus praestiterit, & insuper jam diu personis deli-  
catoribus omne cauterium actuale nimis crudele  
apparuerit, ideoque hoc novum cum antiquis  
apud nos dudum frequentari desuit d. podagra,  
ejusque Curat. Magnet. Quo eodem loco licet  
plures morbum hunc transplantandi rationes, &  
varia specifica à D. Esavio laudentur, his tamen  
addendum putem, quod ad finem proluisionis le-  
gitur viri doctissimi judicium: *Nomina arcano-  
rum, typis mandata, dissertationi inferi facile  
toleravi, nec magneticas curandi rationes expun-  
gere volui, cum nihil quidem, quod religioni ad-  
versetur, continere videantur, sed per crebra ta-**

men experimenta, à suspitione vanitatis, otiosorumque ingeniorum lusibus se vindicare debeant. Ac vereor, ne Magnesia alba, saccharum lactis, aristolochiæ radix rotundæ, & si quæ sunt alia, aut artis aut naturæ effecta, indigena atque exotica idem mereantur prædicatum, quod à ROSINO ipsis tribuitur LENTILIO: *Remedia nova quæ maximis encomiis in orbem ebuccinantur, atatem non ferunt, sed prius plerumque, quam ipsi buccinatores intercidunt, & raro se magnificis effectibus commendant.* Eteodr. Med. Pr. p. 1284. Quod nec M. B. VALENTINI, strenuus alias medicamentorum exoticorum ac novitate se commendantium encomiastes diffiteri audet, cujus hæc sunt verba: *Cæterum, quæcunque tandem sint, sive peregrina sive domestica, quæ pro sublevanda podagra inuruntur, tantisper quidem hunc dolorem palliant, quatenus vel archeo terrorem incutere, vel lymphæ corrosivæ portionem exantlare apta mata sunt: an verò radicalis affectus deturbatio ita obtineri possit, valde dubito:* d. Moxa & Pod. p. 201. Ac videtur sane J. J. WALDSMIDIUS rem acu tetigisse, quando auri sacram famem, remedia alia ex aliis & quæsiuisse & commendasse ad podagram censet. Ita autem ille: *Arthritidis curatio non solum difficilis, sed & multorum fraudum ferax, ut quotidie experimur. Est enim novus quidam acquirendi opes modus: jactare curationem podagræ.* Si vero claudias PECHLINUM, existimat ille, tot esse futura podagricorum remedia, quot sunt, quæ ex hoc morbo ægrotant, individua,



vidua, quod plerisque cum tempore eadum sub-  
repat, & fortuitorum, quam excogitatorum ma-  
ior sit gloria. L.II. Obs. XXVIII. Nimirum plero-  
rumque arthriticorum est etiamnum, quæ SE-  
NECÆ olim fuit querela, qui cum de arthritidis  
inveteratæ sanatione desperaret, sic nihilominus  
scriptum reliquit: *Non perveni ad sanitatem, neque*  
*perveniam quidem, deliniamenta magis, quam*  
*remedia podagra mea compono, contentus, si ra-*  
*rius accedat, & minus verminatur.*

XXVI.

Morbos demum mulierum atque infantum ne  
planè intactos prætermittamus, in illis partus oc-  
currit difficilis, cui pro causarum diversitate his  
aut illis præsidii occurrere solent Medici Prag-  
matici. Quod si verò situs infantis perversus adsit,  
tum præter manualet opem, de omni reliquo au-  
xilio desperant prudentiores. ROSINUS certe  
LENTILIUS, à muliere rogatus gravis &  
partus difficultatem metiente, annon posset mo-  
dus excogitari, quo mediante fœtus situm in u-  
tero debitum servare valeat? quæ in Medici nul-  
lius potestate sunt, à se quoque frustra postulari,  
apposite respondit, opus, addens, esse hoc solius  
naturæ, nunquam artis, præter id, quod in partu  
laborioso minus recte sito, peritæ obstetrices di-  
gitorum ope efficere possunt l.c. p. 1075. Accedit  
& illud, quod, ceu desideratum in muliebrium  
medela affectuum non postremum, cum doctis-  
simo PECHLINO clinici observant ad unum  
omnes, in illis nimirum morbis, obstetricum &  
nutri-

utricularum semper majorem fuisse auctoritatem, quam Medicorum, nec ante Medicorum experti consilia, quam vulgarium usum morbus spreverit; imo verò tum quoque, etsi Medici sua opportune commendent, ægrosque habeant obnoxios, juxta cum illis muliebria atque empirica adhiberi, plerumque etiam eventus felicitatem hisce magis, quam illis adscribi, ut L. I. Obs. XXXIV. videre est. Qua vero certitudine cura nitatur morborum, quibus infantes vivunt obnoxii, vel umbilici, qui illos familiarissime exercere solent, documento sunt. Horum quippe præsentium singula non rarò indicia adesse, neque tamen, propriis selectissimis pharmacis, ab alvo exire videntur. Ac licet symptomata ante infesta plerumque deinde remittant; & Medicus suo potiatur loco, non tamen propinqui, rem omnem rite esse peractam, facile persuadentur, corpus nisi elicti oculis manibusque usurpent. Expertus id est, quem modò laudavimus, PECHLINUS, cum fuscæ & crudite recensitis difficultatibus, quæ medicis in cura lumbricorum quotidie occurrunt, vero, inquit, nolim, quisquam existimet, ubi vermes, etiam post remedium exquisitorum usum non prodeunt, nullos ibi esse, cum, ut ante dixi, cito pituita visco se involvant, ut non nisi in speciem phlegmatis reducti pro illa textura fluiditate alvo secedant. L. I. Obs. LXIV. Ut adeoque nemo nisi qui nullos, aut paucos infantes ex lumbricis agrotantes vidit, verisimile esse, dubitaverit, quæ à Viro summo G. W. WEDELIO translatione



Statione de anthelminticis, coronidis loco addita  
legimus : *Levem quidem rem videri vermium  
exterminium, saepe tamen levi apparatu non posse  
debellari & ipsos & inde producta symptomata  
horrenda, tonum viscerum lesam, aliaque incon-  
venientia* -- Amæn. Mat. Med. p. 373. V. Snem  
denique penes infantes in morbis gravissimis, acu-  
tis & chronicis, à Medicis Britannis, Italis atque  
Gallis, toto celebrari die: ejusdem vero admini-  
strationem apud Germanos nostros hodiernum de-  
siderari, nemo nescit, sed scire licet, fieri illud non  
Medicorum, sed ægrotantium, quique illis ad-  
stant, culpa. Quod probe intelligentes Medici  
Vratislavienses ad rem loquuntur : *Nos in tota  
Germania V. Snem penes infantes prorsus omit-  
tentes excusari non possemus, nisi contra vulgus &  
muliercularum opinionem aliquid facere, esset con-  
tra torrentem navigare* l. c. 99. p. 21.

XXVII.

Quod reliquum est, non equidem fulmine ta-  
ctos, eorumque medelam prolixius examinabi-  
mus, quod ab J. VEHRIO, & R. W. CRAUSIO  
factum novimus; neque remedia contra insomnia  
excutiemus, de quibus judice R. LENTILIO  
l. c. p. 1311. in practicatorum libris nihil reperitur,  
solus vero WEDELIOUS hanc arenam disp. de  
insomniis aggressus est. Neque etiam morbos à  
visis spectris, quoad curam, videbimus latius, utpote  
quod juxta cum eodem WEDELIO, FRIDE-  
RICUS præstitit HOFFMANNUS. Sed nec re-  
rum toto genere p.n. ab extra in corpus humanum  
illapso.

illapforum medicinam discutiemus quemadmo-  
 dum infarctum tracheæ ab illapfa faba, in tenero  
 egroto LENTILIUS curavit fideliter, sed omni-  
 tua cura impedire non potuit, quo minus sub con-  
 vulſivis cruciatibus, per 4 dies superſtes fatiſ tan-  
 tem cederet. vid. l. c. p. 1085. cf. antec. & p.  
 583. ut nec morbos reliquos præterviſos atque  
 omiſſos, à C. PISONE & A. BOOTIO ſingulari  
 opera pertractatos, indagabimus fuſius. In-  
 niſce enim, & ſi quæ ſuperſunt, ſuperſunt autem  
 plurima morborum genera, deſiderari longe ma-  
 xima, maximique ponderis momenta, haud eſt  
 obſcurum, ac fieri de reliquis ex ſupra dictis judi-  
 cium haud difficulter poſſe exiſtimaverim. An  
 vero opus aliquod de curationibus Morborum  
 inſanabilium (quorum nonnullos BRUNO enu-  
 meravit SEIDELIUS ut & B. ALBINUS) quod ad  
 deſiderata reponere non dubitavit B. de VERU-  
 LAMIO, ut evocentur & excitentur Medici ali-  
 qui egregii & magnanimi, qui huic operi, quan-  
 tum largitur natura rerum, incumbant; quando  
 hoc ipſum, iſtos morbos pronũciare inſanabiles,  
 neglectum & injuriam velut lege ſanciat, & igno-  
 rantiam ab infamia eximat L. IV. d. Augm. Scient.  
 p. 257. oprandum ſolum, an vero etiam ſperan-  
 dum ſit penes alios, & Te, imprimis, Vir illuſtris,  
 iudicium eſto. Mihi aliter videtur, ab HER-  
 MANNŌ videlicet CONRINGIO, Viro πολυμα-  
 θις ἄνω aliter edocto. Is vero obſervationibus  
 P. SALMUTHI inter alia ita præfatur: *ut nihil  
 tandem aliquando ſit, quod in arte deſideres, haud*

(E)

ignoro,



ignoro, quæ est nativa ingenii nostri imbecillitas, pariter & rerum obscuritas, fieri non posse. Verum tantam perfectionem neque ego, neque alius prudentior exigit, id doleo, multa hætenus negligi, multa nesciri de morbis humanum corpus instantibus, quæ tamen debita facta attentione jam dudum potuissent exacte intelligi.

XXVIII.

Filium, quod vocant medicinale, ne amplius desideretur, quod desideratum offendimus ab ill. VERULAMIO l. c. p. 263. facit præclata J. G. BERGERI industria, utpote qui hoc ita occupavit argumentum, ut nihil in eo amplius desiderari videatur. Ab eodem vero illustri Archiatro, itemque a summis Germaniæ Medicis G. W. WEDELIO, F. HOFFMANNO & C. VATERO, Præceptoribus optime de studiis nostris meritis causas & media ad vitam sanam & longam ac senectutis retardationem ipsamque *εὐδαιμονίαν* ducentia, quæ singula l. c. à VERULAMIO ad desiderata referuntur, edocti sumus. Hi quippe fama meritisque celeberrimi viri id egerunt, ut sobrie philosophando viam ostenderent & modum, quo quilibet corporis sui gnarus, per remedia ubivis obvia, & victum imprimis convenientem, rectumque rerum, quas non naturales Medici vocant, usum, vitam bene beateque ad seros usque annos traducere queat. Sunt vero & alii, chymici imprimis admiratores nimii, qui panaceas crepant & arcana, quorum ope vitam humanam ad seram usque senectutem sanam atque incolumem quam diutissi-

diutissime extendere liceat. Qua de re sententiam laturo incliti Medici Vratislavienses ita loquuntur: *Non ignoramus, Paracelsum olim iussisse, à se inventam tale medicamentum, quod omnia vitia sanguinis muret, & illum in optimam convertat temperiem, sed dolemus, quod, si unquam tanti arcani conscius fuit, humanum genus ejus cognitione privarit. Quantum sibi obstrinxisset mortales HELMONTIUS, si illos docuisset, quodnam illud sit, cuius subtilissimo & penetrantissimo impulsu fermentativo quodvis heterogeneum prompte à sanguine separetur. Neque enim iis sollicitum premimus, qui dictatoria autoritate decernunt, eiusmodi medicamentum, his dotibus ex parte praeclitum, nullum inveniri posse. Palma in medio posita est. Hoc tamen asserimus, nullum ad hunc usque diem remedium nobis innotuisse, hisce facultatibus instructum, omniaque illa, quae hic & alibi vendita fuerunt, licet vires eorum magnificis verbis deprecarentur, tanti nominis mensuram non implevisse. l. c. 1702. p. 114. cf. Annal. Vratislav. 1718. M. Febr. p. 704. Omnes autem ejusmodi arcanorum patronos, qui hactenus in iisdem collaudandis nimii fuerunt, scite redarguit B. BERGERUS hisce verbis: Quo quidem loco non possumus non detestari imprudentiam dicam, an impudentiam, non agyrtarum modo & circumforaneorum, sed, pudet dicere, quorundam etiam medicorum, qui uni lucro inhiantes, suas panaceas, vitamque sanam diutissime conservantia secreta venditare non verentur,*



*constantia margaritis fragmentis, lapidum pretio-  
sorum, lapide bezoar, ebore, osse de corde cervi,  
cornu monocerotis, id est dente ceti Narhual, aloë,  
croco, nitro, antimonio, cinnabari, ambra, aro-  
matibus, oleis athereis, salibus volatilibus, carne  
viperina, radice Ninsi, argento, auroque, si Duis  
placet, ipso. Sane horum familiari usu remedio-  
rum grave valetudini damnum tacite inferri, non  
nunc demum observari videas, sed jam olim à ve-  
teribus observatum. d. vita longa. XXXIV.*

XXIX.

Ex hisce breviter strictimque pro instituti ra-  
tione allatis (neque enim patientia Tua, Vir illu-  
stris, diutius justo abuti, fert animus) satis opinor,  
manifestum est, vera scripsisse PECHLINUM,  
quando ad virtutem immortalis memoriæ J. G.  
VOLCKMARUM, B. Socerum Tuum loco præ-  
fationis ad obs. med. sequentem in modum inter  
alia scripsit: *Speciosa est nostra, & ad pompam in-  
stituta eruditio, ovi si phaleras demas, quod reli-  
quum est corporis, macrum est, & valde strigosum,  
tandem etiam umbra quam corpori similis.*  
Enimvero ne ad extremum mihi, quod speciminis  
occasione inauguralis publice objectum memini,  
& hoc objiciatur loco: defectus me recensere,  
& hiatus ostendere, sed minus de medela sollici-  
tum esse: morbos enumerare, sed curæ & reme-  
diorum oblivisci; paucis, venia Tua, ill. Vir, de  
causis desideratorum dispiciemus practico-  
rum at-  
que remediis. Causas varii allegant varias; horum  
vero non postremam empiricorum ubivis loco-

rum frequentiam esse existimaverim. Faciunt enim hæ Medicastrorum & lucriperatarum sordes sæpenumero, ut viri erecti ingenii à cœpto pridem artem juvandi studio deterreantur, quam in senescentiam acerbæ l. c. querentem PECHLINUM, Virum summum audire iterum juvabit. Ita autem ille: *Multa ego & incredibilia propter medicina scientiam passus sum, patiorque etiamnum, ob quæ fere tadium artis aliis præstantissima incessit.* Sed nos quidem hanc threnodiam à MINDERERO, GORISIO, summisque ubivis terrarum Medicis decantatam non occinemus latius, præsertim cum hujus eradicationem zizaniæ & spem de ea conceptam ad Rempublicam pertinere Platoniam, cum prudentioribus persuasi simus. Huic vero defectui nimiam remediorum abundantiam addendam putem, utpote quæ non tantum non juvatur & promovetur medica praxis, sed & in deterius labitur, fluctuantibus in tanta diversitate, & quid eligant, incertis Medicis. Hujuscerte intuitu medicinam non minus medela generosiore ac chymia chymiam vulgarem juxta BILLICHIIUM indigere, quæ vitia & labes ejus tollat, proin non tantum addat, quod deficit, sed demat quoque, quod abundat, seu exuperantias, quæ medentibus & medellam anhelantibus, impedimento sunt, discutiat cum J. BOHNIO d. prophyl. pest. III. opinemur licet. GEORGIUM si quæras BAGLIVIIUM, is, uti desideratorum in praxi medica sæpius meminit; ita p. 242. quid de causis eorum sentiat, expressis declarat verbis: *Stet igitur, quod diximus, sola*  

(E) 3 remedia



remedia sanant, doctores Medici, inter desiderata  
 artis nostra reponenda demum erit Historia reme-  
 diorum, quæ non amœna quadam aut libera ingenii  
 peregrinatio, sed durus labor & longo itinere con-  
 sumtus patefecerit. Sintque constantia, methodo  
 præscribendi manita, cuilibet morbo specificæ ac  
 ferme infallibiliter respondentia. Secus ac visum  
 est doctissimo viro J. N. PECHLINO, qui ne uni-  
 quidem morbo certum & minime decepturum re-  
 medium hætenus repertum esse affirmat L. I. Obs.  
 XIII; quin & ineptam vocat persuasionem, si existi-  
 memus, specifica dari medicamenta, quæ certo,  
 & singulari instinctu partium solidarum respiciunt  
 ingenium: Obs. XL. L. I. ut & T. SYDENHA-  
 MIO, cujus hæc sunt verba: *Ei, qui rem recte  
 perpenderit, satis liquet, præcipuum medicina fa-  
 ciende defectum non in eo verti, quod nesciamus,  
 quo pacto huic aut illi intentioni satisfacere debea-  
 mus, sed, quod non satis sciamus, quam sit illa  
 intentio, cui satisfaciendum est. Cum vel rudis-  
 simus quispiam pharmacopola servulus, intra di-  
 midiam horæ quadrantem, certam me faciet, quo  
 medicamento purgationem, vomitionem, vel sudo-  
 res provocabo, vel refrigerabo aestuantem; at vero  
 in palastra medica probe sit exercitatus oportet, qui  
 pari certitudine me docere queat, ubi hoc vel illud  
 remedii genus in usum revocare debeam per omnem  
 morborum ac curationum circuitum.* Op. Tr. d.  
 Hydrop. p. 622.

XXX.

Sed quidquid ejus rei sit, nobis quidem salvo  
 aliorum,

aliorum, & Tuo imprimis, Vir illustri, cui omnia  
 hæc commendantur, iudicio, omnem mali fun-  
 dum, ut initio cum TVLPIO monui, in observa-  
 tionum defectu radicatum, neque medelam aliun-  
 de, quam ab eorundem emendatione petendam  
 atque expectandam esse, putaverim, non, quod  
 observationum laboremus defectu, sed quod, ut  
 verba PECHLINI huc iterum mutuemus, *in illa*  
*observatorum hominumque elegantium copia mi-*  
*rum videatur, tam pauca in commentarios referri,*  
*quæ referuntur, non eodem studio & crisi se-*  
*lecta esse --- A qua supinitate, quod addit, au-*  
*ditio me quoque immurem esse, ineptus sim, si exi-*  
*stimem; id tamen videre me puto, si curiosos ocu-*  
*los, si manus, si sensus denique omnes, & quæ*  
*plurimis idoneos nos reddit, diligentiam adhibere-*  
*mus, utique in singulis & obviis quotidie morbis*  
*occurrerent, quæ animum exercere, inque speciem*  
*singularis, nec quotidiani observati verti possent.*  
*De rarissimis vero etiam, quibus colligendis tam*  
*collicite nonnulli occupantur, hoc quoque monere*  
*babeo, ad usum ea minus accommodata esse, & satis*  
*esse, si natura quandam excitent admirationem*  
 l. c. præf. epist. Quæ vero eodem loco de inte-  
 gris collegiis, & amplarum actis urbium monen-  
 tur, eas à Medicis quidem Vratislaviensibus egre-  
 gie adimpletas partes novimus. Sed hi doctrina  
 artisque usu præstantissimi viri, quo majori seduli-  
 tate observationibus, artisque hiatus supplendi &  
 veritatis studio incumbunt, eo plura & majora ubi-  
 vis, quæ desiderant, offendunt. Quod, ut ex su-  
 pra



pra dictis satis constare potest cuilibet, ita, quod  
 ipsas attinet observationes, talia in iis desiderant:  
 Et optandum quidem esset, ut viri docti ex obser-  
 vationibus ab illustribus societatibus & Academiis  
 per multorum annorum decursum cum orbe eru-  
 dito communicatis, aggredierentur formare pro-  
 positiones universales, ita enim scientiarum pomæ-  
 ria extenderentur, & quæ per multa sinuosa volu-  
 mina jam diffusa sunt, brevi admodum libro com-  
 prehendi possent. Et si quis seculi offensam me-  
 tueret, quod mire sibi placet, & ferre alios non po-  
 test, nisi hyperbolicos sui laudatores, posset vires  
 suas experiri in iis, quæ ad posteritatem transmissæ  
 sunt à Benivenio, Dodonæo, Amato Lusitano,  
 Valeriola, Wiero, Costero, Foresto, Schen-  
 ckio, Donato, Platero, Hochstettero, Ballo-  
 nio, Epiphanio Ferdinando, C. Pisone, F. Hil-  
 dano, G. Horstio, H. ab Heer, Z. Lusitano, N.  
 Tulpio, R. Solenandro, J. P. Lotichio, Ph. Sal-  
 mutho, ac aliis. d. Exp. p. 34. Quibus cum pa-  
 ria facit, quod in urbe sigillatim Parisiensi deside-  
 ravit quondam T. BARTHOLINUS, vir πολυ-  
 μαθὴς αὐτός; ita vero ille: *Optarem certe plures  
 in urbe Parisiensi Ballonios, qui in civitate fre-  
 quentissima, & nosocomiis instructissima, debita di-  
 ligentia per dierum seriem consignassent & raros  
 morborum eventus & remedium successus, &  
 observata in morbidorum dissectione. Hujusmodi  
 diaria & observationes centum antropologiis præ-  
 ferrem, & quovis ære redimerem.* defens. dub. d.  
 lact, thorac. contra Rioli. c. 2. Idem vero G. O.

ECHELHAMERI doctissimi viri est desiderium, utpote, qui incremento artis medicæ proficuum maxime fore judicat, si viri exercitati & cordati, qui in curandis morbis consenscunt, quid experientia sua confirmatum viderint eorum, quæ ab Autoribus nobis commendantur, remediorum nobis impertiant, quidque expectationem fefellerit. Satis enim superque nobis est medicamento- rum; ita ut laboremus ubertate, selectioni itaque studendum, non simplici collectioni. Hoc enim pacto futurum est, ut illa, quæ memorata nobis est, per experientiam curandi ratio, unice excolatur, adeoque habituri simus mox utramque viam expolitam & à sentibus & offendiculis repurgatam. Not. ad Contr. J. A. M. Quæ cum ita sint, omnes, qui artis medicæ defectus supplendi flagrant desiderio, sibi dictum putabunt, quod ad calcem observat. chir. facta simul observationum therapeuticarum & chymicarum spe, omnibus THEODORUS commendavit KERCKRINGIUS: *Vale, & si placet, etiam talentum tibi ab altissimo creditum, in artem medicam augendam impende, patet ingens industria tua & omnium ærea: nusquam utilius, quam in tuenda mortalium salute, mortalium vita impenditur, nec aliunde certiora speranda immortalitatis sunt præmia.* Sed satis jam desideratorum: Nunc enim epistolam, cujus limites me dudum transgressum esse, sed sero recordor, finiendi necessitatem mihi impositam video. Tuo omnia subjacent judicio, Vir illustris, Tuamque præstolantur sententiam, an & qua ra-



tione desiderii hisce fieri queat satis. Quam, ut benigne impertias, simulque, quam additamenti hic loco annexam vides, Historiam morbi, qui B. Parenti meo fatalis fuit, æqui bonique consulas, est, quod enixe contendo. Eam ut in chartam conjicerem non affectus modo & pietas in genitorem optimum, cujus memoria mihi sancta semper erit; sed & argumenti affinitas, utpote in cujus ætiologia non minus atque praxi, ipsisque indicationibus desideratum non unum occurrit, incitamento fuit. Vale, Vir illustris, Tibi, Tuisque, rei que literariæ ac publicæ Noribergensi, mihi que & bonis omnibus ex voto! Vale, & favore me porro, affectuque benevolo complectere.

Dab. Herfordiæ Westphalorum Cal.

Dec. clolcccix.

B. C. D.

**Historia Morbi B. Parentis diuturni,**  
quo is per 4. menses confectus, tandemque  
xviii. Nov. clolcccix. extinctus est.

**S**enex septuagenarius, munere concionatorio  
ultra quadraginta annos cum laude functus,  
temperamento sanguineo prædominante, sed ta-  
men non sine notabili cholerae & melancholiae ad-  
ditamento, habitu vero corporis pleno præditus,  
senectutem hætenus viridem vicens & valens, vi-  
ribusque constans transegerat. Præter enim tus-  
sim humidam, multis retro annis frigore contra-  
ctam,

nam, qua sæpe, medio etiam in orationis sacræ  
 fervore correptus est, & unum itemque alterum  
 podagræ paroxysmum, qui raris & multorum in-  
 tervallis annorum, tarde admodum corpore senili  
 evem insultum fecerat, ac dysuriam denique lenta  
 in corpore ad interitum vergente capientem incre-  
 menta, vix habuit, quod quereretur. Erat quippe  
 armo corporis habitu, & ad quasvis injurias obtu-  
 to pectore præditus, ac postremis vitæ annis  
 ventilationibus sanguinis in pede annuis, ob ple-  
 moram à victu pleno, etiam in sene, vitam amante  
 sedentariam, & motu voluntario minus exercitato  
 redundantem ita assuefactus, ut fructum inde ma-  
 nifestum in œconomia animali persentisceret, læ-  
 tusque non raro prædicaret; fluxum namque hæ-  
 morrhoidalem ex eo primum observavit, alternis  
 inde septimanis plerumque magno suo com-  
 modo revertentem, quem tamen prius plane de-  
 misisse non æque adsererem. In valetudine se-  
 cunda non esse adversa præsidia adhibenda, jure  
 existimavit, omneque adeo, quod aut officinam  
 cupit, aut terram olet exoticam, horruit, sed nec  
 ea horruit, ut non iisdem urgente necessitate, &  
 tempore præsertim vernali, intelligentium suasu,  
 teretur. Ac licet non adeo magnus esset patro-  
 nis infusionis Theæ, decocti Coffee, & ejusmodi  
 otulentorum, quæ more hodierno, ante pariter  
 & post meridiem sorbentur, non tamen omnino  
 cessitit, infusa hæmocathartica, pectoralia, an-  
 tiscorbutica, in usum trahere salubrem. Acidu-  
 tas vero & thermas nunquam per omnem vitam  
 metho-



methodice usurpavit, plus simplici vice ab amicis  
propositas, & recte hæc repudiavit auxilia, quæ  
medentur vitiis, quorum ipse per Dei gratiam ex-  
pers vixit. Ita commode magis ex culina, quam  
officina victitavit, munereque satis laborioso in-  
defessus ac lætus functus est, donec extremo vitæ  
biennio viribus animi corporisque evidenter fatis-  
ceret, atque ingruentis senectutis decrepitæ per  
animi ægritudinem auctæ maxime & acceleratæ,  
haud fallacia experiretur indicia. Enimvero tussis  
inveterata, partim & dysuria, à calculo sine dubio  
profecta, partim & scabies refractaria certatim in  
corpus senile fibrarunt tela, mirum, quod non ci-  
tius tanto sub onere fessum defecerit. Quibus  
omnibus congruis obvium itum est præsidium, nec  
sine effectu plane oprato. Ac quoad scabiem  
sigillatim notandum, ne quis præposterum ejus  
tractationem futuris malis ansam fortassis dedisse  
opinetur, eandem nec tumultuarie, nec simul &  
semel, nec externis solum mediis, sed internis  
simul provide junctis, & diu continuatis non sine  
tædio, & annuo demum spatio exacto cum euo-  
gia tamen ægroti persanata esse. Præterea &  
circa æquinoctium autumnale 1716. diarrhæa la-  
boravit, ut sæpe ante, sed nunquam adeò diuturna,  
viresque prosterne; variis itaque medicamen-  
tis frustra adhibitis, propinata autem modica ape-  
cacuanhæ dosi, cum cinnabari nativa mixta, & vo-  
mitu forti bis terve insequente, æger in somnum de-  
lapsus, brevi deinde vires cum appetitu recuperavit,  
comque valetudine in gratiam rediit. Sic & non

ard ultimis vitæ annis, inter prandendum ubi festinatius paulo comederet, suffocationem minabatur frustra in asperam arteriam illapsum, ut meum apoplexiæ non vanum, sicut de vitrico suo J. GERHARDI narrat alicubi G.C. SCHELHAMERUS, fecerit phænomenon terribile, id quod multo evenit aliter. Alias haud memini virum, præter dictos, aliis expositum morbis, quod *ἄξιον* *ἔσθαι* sit, fuisse, nisi quod juvenem febre quartana per integros novem menses, absque vel officii, vel valetudinis reliquæ singulari detrimento laborasse, sæpius ex ipsius ore hauserim. Neque enim vitæ molli aut lautæ otiosæque, sed laboriosæ, & quæ victu duro, deliciarumque experte constat, erat deditus. Accidit autem, ut M. Jun. Clod. cxxvii. in frequenti comessandi occasione, quam omnino subterfugere haud potuit, genio quidem haud nimium & nunquam fere indulgeret, sed tamen quiete necessaria & placida, & sæpius anxie quæsita privatus magis semper magisque deficeret. Julio mox ineunte febre quotidiana, sed lenta & subdola, una cum doloribus exquisitis lumborum & dorsii, hypochondrii item sinistri correptus, vitam laboriosam traxit. Ac vacillantem sensum valetudinem, tum alia tum lapsus corporis infirmi, qui & dolores & reliqua auxit symptomata, manifestam fecit. Enimvero nihil fecimus reliqui, quo venienti obviam iremus morbo, congruis instructi præsidiiis, ac parva magni morbi initia in ipso, si licet, ortu, extingueremus. Et paroxysmus inde febrilis, per aliquot dies sublatus, brevi tamen rediit,



diit, sed ita lente, occulte & subdole, ut vix fu-  
indicia, caloris & frigoris mutatione, tactui ægri  
adstantiumque præberet, & diu postmodum in  
illo cursu perstitit. Aeger autem, si virium defe-  
ctum, seu magnam lassitudinem excipias, sensum-  
que doloris, & ὁρῶς ἀδύος & reliqua recte valens  
aliquamdiu fuit. Mox autem adfuere sympto-  
mata, quæ, ut per totum morbi decursum multum  
& patienti & medenti crearent molestiæ, tædiique,  
ita utrique mox initio aliquid monstri alere, nihil-  
que læti portendere visa sunt. Horum primum  
erat singultus, qui inter initia morbi sæpius, ma-  
xime autem post pastum, aut ad levem frigoris sen-  
sum accessit; ac licet is in morbis magis acutis  
(cujus quidem rei hoc loco nulla aderant vestigia)  
quam chronicis, stante imprimis & ambulante  
ægi, decretorius sit, nescio tamen, qua ratione  
utrique nostrum displicuerit, eo magis, quo mi-  
nus optimis remediis, aut interne propinatis, aut  
exterius applicatis obediret. Alterum sitis erat in-  
extinguibilis, nullis omnino præsidis obnoxia,  
quin ad ultimum usque vitæ halitum per intervalla  
suam exerceret tyrannidem. Hoc fateor, sym-  
ptoma mihi magis, quam ullum aliud fuit suspe-  
ctum, eo quod non memini, sitim ullam tam fuisse  
rebelli, aut clamor, quin remediis congruis  
maxime nitrosis, debita ratione usurpatis, aut re-  
soluta, aut mitigata saltem fuerit. Inde cum nul-  
lum in præsentī animadverterem levamen, haud  
difficiliter in eam veni suspicionem, latere ubi  
ignem occultum, ut ita loquar, seu æstum omnia

epascentem, non nisi cum incendio corporis de-  
 turum. Qua quidem in sententia eo confirmabar  
 magis, quo ad id, quod sequitur symptoma, at-  
 tenderem accuratius: æger videlicet alvo perpetuo  
 aperta, laxa, & facile mobili gavisus est usque  
 adeo, ut à levi rhabarbari, aut croci aut aloes sti-  
 mulo, aut à passulis, prunis aliquoties, à modica  
 item jalappæ & rhabarbari dosi, addito resinoso  
 aucorum granorum itemque salino stimulo, ultra  
 species cum *ψογία* dejiceret. Id quod & intra  
 quatuordecim dies febris quotidianæ insultus accidit. Morbo  
 item paulisper increbescente æger tantam exper-  
 tus est alvi adstrictionem, ut per omnem morbi  
 decursum deinceps, nunquam fere nisi irritata re-  
 sponderet, ac initio quidem clysteribus globulis-  
 que moschatis, hinc & infuso folsennæ, prunis-  
 que & similibus obediret, ad ultimum autem hisce  
 omnibus irritis ad rhabarbarina, & demum aloë-  
 ta, salinis mixta descendendum esset, utpote  
 quæ nunquam spem nostram frustrarunt. Hoc  
 pro loco memoriæ opportune incidit oraculum  
 Hippocratis II. Aph. 35. *In morbis minus pericli-  
 untur, quorum natura & ætati & habitui & tem-  
 peranti magis similis fuerit morbus, quam in quibus  
 nulli fuerit similis.* Hisce quoque ad perti-  
 ciam haudquaquam dissimile fuit, quarto nunc  
 quoque commemorandum est, pathema, dolor  
 in lumbis, dorso nunc superiorem, nunc inferiorem  
 affestans regionem, ut plurimum tamen regioni  
 lumbæ, instar pali infixus, quemque haud com-  
 mode vel nephriticum, vel ischiadicum, vel rheo-  
 mati-



maticum vocaveris, adeo nihil vel exquisitissima  
remedia profuere, à camphoratis vero & anody-  
nis, non modo non remissior, sed & auctus do-  
loris sensus. Nihil emplastrum saponatum  
Barbette, nihil sexcenta alia attulere levaminis  
succo vero lumbricorum parum, non tamen pro-  
fus nihil profecimus. Accessit denique mira ca-  
pitis imbecillitas nutatione insolita se prodens in  
viro, qui capite erecto, & vivida ingenii vi, vul-  
tuque sereno actiones & munia sua exequabatur  
pridem. Quæ omnia virtutem vit-animalem  
sensim fatiscere, docuere plus satis, metumque  
fecere haud vanum veritatem II. aph. 39. in hoc  
ægro manifestam fore: *Senes ut plurimum quidem  
juvenibus minus agrotant, quicunque vero ipsi  
morbi sunt diuturni, plerumque commoriuntur*  
appropinquante præsertim æquinoccio autumnali  
quod senibus, decrepitis & morbis diuturnis con-  
fectis fatale & funestum esse consuevit. Et sub  
horum quidem onere fessus symptomatum æger  
per integrum Julium & maximam Augusti par-  
tem plerumque *ὁρῶς ἀδύος* mansit, aliquamdiu  
etiam munere publico functus est; mensis autem  
septembris initio viribus semper magis magisque  
deficiens clinicus factus, è lecto suo non amplius  
surrexit. Febris tunc ardens acuta, loco quoti-  
dianæ lentæ corpus senile depascebat, ut sceletum  
quam homini similis brevi evaderet. Et in *ἀνμῆ*  
morbi, quæ proximis post æquinoccium diebus  
aderat, æger viribus ad summum prostratis, sopore  
perpetuo, cum levi & transitorio, maxime expecta-

defectus, delirio obrui, rhonchos pectoris sonos, quasi moribundus edere, & ore aperto nil nisi ultimum efflaturus halitum videbatur, quod tamen nondum evenit. Accidit enim in fine M. Sept. ut & sanio rem mentem, & decentem corporis situm, vultumque serenior em ad stuporem omnium referret. Urina, quæ in principio morbi lin fuit perfecte sana, postea colore aurantium intensius tincta, clara & cruda fuit, nunc sedimento notabili aliquot ex ordine diebus coctionem, crinque morbi denotare videbatur; imprimis cum xanthemata crustacea, vulgo nostrati d. evelsch narium & labiorum confinio erumperent, quæ laud fallax mutationis in melius indicium præbere solent. Sed cum de die in diem virium atque appetitus reditum in statu cæteroqui tolerabili anxie præstolamur, proque virili promovere studemus, æger post aliquot dierum lapsum in soporem rursus profundum, cum mentis quadam *adurapua* post somnum imprimis notanda incidens, inque illo statu per integrum M. Octobrem permanens, omnem vitæ ac valetudinis spem intelligentibus denegavit, virium defectu tum aliunde, tum ex pulsu debili, tremulo, & non raro convulsivo constante. præcederat tum febris hæctica, seu Marasmus potius senilis perfectus, quocum æger instar ellychnii tantem placide brevique expiraturus videbatur, cum illi demum expositus, eidemque molestissimo symptomati, spem inter metumque adstantes aliquamdiu dubios detineret. Ad finem enim M. Oct. in ipsa mutatione lunæ, ut solitus est morbus



per omnem sui decursum ad lunæ phases evidentem pati mutationem, æger maxima mentis impotentia afflictus abitum indefinenter meditabatur, linguaque balbutiente plura, sed incondita proferebat, inter alia autem de auris dextræ (quacum sanus diu sonos difficulter percepit) dolore conquestus est valde, & jectigationibus perpetuis summam testatus est anxietatem. Quæ tamen omnia ad statum rediere meliorem postea, quam die sequenti materia saniosa ex aure dextra exitum inveniret; tum enim & mente sana & corporis quiete per aliquot dies gavissus est. Sed brevi post, initio nempe Novembris æger præter reliqua symptomata de nausea (ut alio tempore de fame forsitan per delirium) ut & de manuum brachiorumque, maxime dextri, ut sanus sæpe, dolore acerbo multum conqueritur, simul & crebra eorum agitatione motuum convulsivorum metum injicit. Ac licet materiæ saniosæ ex aure dextra & naribus effluxus ad ultimum usq; vitæ halitum durans fausta multa spondere, criseosque spem novam facere videretur, parca tamen nimis quod fieret in quantitate, & causæ haud adæquata morbificæ, quin & viribus prorsus prostratis, nec ullo remittente symptomate, tussi etiam aucta, & suffocatione non raro minitante, accedente & excrementorum invita dejectione, pedumque tumore omnia ad interitum corporis tendere haud amplius fuit obscurum. Præsertim, cum aliquot diebus post, anxietate summa præsentē, & ineffabili, respiratione anxiosa, interrupta, & stertore præsentē, facieque torva

omnia ad exitum conspirare viderentur. Sed nec  
 um, quod, ne fieret, metueramus, accidit; pro-  
 ximo enim die æger sudore grato perfusus omnium  
 symptomatum remissionem expertus est, ita tamen,  
 ut singula brevi post, pristina legerent vestigia, ac-  
 cedente præsertim denuo nova lunæ phasi, ad  
 quam omnia, quæ hætenus in statu mediocri &  
 tolerabili fuerunt, in pejus sunt lapsa, atque mu-  
 tata, inque eo mansere statum ad d. xviii. usque Nov.  
 in quem luna plena incidit. Ac illo quidem die  
 ante meridiem ægrum accedens, conditione qui-  
 dem adhuc sic satis tolerabili offendi, nisi quod, ut  
 antea sæpe, de domo propria petenda, atque itine-  
 ribus loqueretur indefinenter. Post meridiem  
 autem ad desiderium ægroti subito accitus deplo-  
 rata omnia inveni, & propriis quidem aliorumque  
 exclamationibus impetrare haud potui, oculos ut  
 amplius aperiret, meque præsentem agnosceret.  
 Adeo in pectore rhonchos sonoros fere perpetuos  
 edidit, & cum sonoro interdum terribilique plan-  
 ctu magnas in eo anxietates prodidit, oculis per-  
 petuo clausis. Sub idem diei tempus convulsivi  
 brachiorum motus notabiles fuerunt; pulsus au-  
 tem non amplius observatus. Ad ultimum levius  
 quidem, sed absque excreta pituita spiravit, &  
 circa horam sextam vespertinam, assiduis collega &  
 amici dilecti M. R. precibus & benedictione re-  
 creatus animam Deo placide reddidit. Ex hisce  
 quidem circumstantiis fuse satis enarratis non adeo  
 planum atque expeditum esse arbitror, quo no-  
 mine affectus in superioribus descriptus insigniri  
 (F) 2                      debeat.



debeat. Nam licet marasmm adfuisse senilem haud diffitendum sit, haud demum æque constar, quid dolores illi dorsi, tam constantes, fixi & pertinaces portenderint: neque enim calculum in regione renum forsan delitescentem ejusmodi luisse tragœdiam, urina perpetuo libere, nonnunquam licet tarde & difficulter egrediens, docere potest; nec vero ischiaticum, vel rheumaticum fuisse dolorem, exinde constar, quod, quæ in tali casu juvenantium nomine venire solent, hoc in loco omne prorsus auxilium denegaverint. Sed quomodo cunque res cum doloribus dorsi habeat, illud ab artibus & naturæ humanæ peritis doceri velim, quænam capitis & dorsi sit affinitas, ut qui dorsi primum regionem constanter occupavit affectus, ad caput deinceps translatus crisin ibidem moliatur, quam in partibus inferioribus multo minori periculo, majori autem commodo tentare, si non ad finem perducere potuisset. Ac si dicas, motu & impetu æstus febrilis materiam in abdomine delitescentem, ab rasam & versus cerebrum jam ante debilitatum evectam esse, id quidem non omnino negaverim, nec tamen omni prorsus dubio factum esse satis existimem, quippe & mansit dolor in dorso ad ultimum usque spiritum, & obscurum manet, cujus fuerit indolis affectus & an talis, cujus materia absque levamine affectæ partis, aliorum, cum magno hujus & exitiali detrimento transferri posset. Sin regeras, corruptionem totalem & sphacelum tam in cerebro, quam abdomine ad ultimum adfuisse, quæso causam ejus & originem

Manius demonstres, unde lenta ejusmodi & in plures menses extracta corruptio profecta fuerit; neque enim inflammationem, aut exulcerationem aut simile vitium in visceribus abdominis, sive renes, aut mesenterium, aut hepar, aut plures simul fuerint afflictæ partes, multo minus in cerebro præcessisse, ex ante dictis satis, puto, evidenter liquet. Nisi forsan in ista rerum caligine, morbique abdita causa, quam corporis denegata apertura patentior reddere potuisset, duplicem fuisse abscessum, internum, in viscere quodam abdominis; externum alterum, in aure dextra, quorum posterior de priori testari solet, non sine omni specie veri, admittere velis. Sed quid de delirio & sopore, gravi utroque symptomate judicandum existimas? Sopor namque nec indolem cari, nec comatis, nec ethargi retulit, non quod mitius hisce affligerit egrotum, aut blandius exercuerit, sed, quod omnium terminum, qui juxta Hippocratem est dies VII. (mallem XVII.) longissime excesserit. Delirium vero non fuit acutum, phreneticum; nam licet febris adfuerit, non tamen adeo fuit acuta, sed lenta plerumque & mentis alienatio diuturnior, quam apud phreneticos esse solet; nec vero chronicum dicendum erit, utpote nulla aut furoris & audaciæ, aut tristitiæ, metusque vestigiis præsentibus, quorum hæc melancholiæ, mania sunt ista signa pathognomonica, absente utrobique febre, quæ hic lente quidem scenam ludit, nec tamen peritorum notitiam effugere potuit. Aut ergo materia quædam serosa crassa, sanguini aliquamdiu



mixta in vasis præsertim cerebri lente oberrando,  
 orificia vasorum modo pressit paulo fortius, modo  
 iisdem jugi tritu atque impulsu nonnihil reseratis,  
 liquido nerveo inæqualem & peregrinum commu-  
 nicavit motum, ut de objectis nonnullis, aliter ac  
 sueverat, judicaverit, & hic quidem *apposita*  
*res diavinas*, illic vero soporem peperit, aut aliis  
 doctioribus, magisque expertis hæc quidem omnia  
 fusius excutienda examinandaque relinquimus.  
 Curam quod attinet, in ea per quatuor mensium  
 spatium & ultra nihil factum est reliqui, quo ve-  
 nienti resisteretur morbo, ejusdemque in vigore  
 constituti, qua licet, vires infringerentur, adscito  
 ultimis mensibus in consilium & curæ societatem  
 D. M. poliastro H. V. Snem in pede circa æquino-  
 ctium autumnale bis administrari curavimus,  
 primo quidem cum evidenti levamine, deinceps  
 non item. Interne varia pro re nata sunt propi-  
 nata, modo cum, modo, & frequentius, absque  
 levamine, maxime nitrosa & cinnabarina, ut &  
 temperantia & nervina alia, emulsiones amygda-  
 linæ, aliæque confortantes, & medicamenta ro-  
 borantia alia cum acidulis interdum, nonnunquam  
 & pro circumstantiarum ratione alcalibus volatili-  
 bus permista. Sola mixtura tonica ex Tinctura *Gil-*  
*lata* cum *Exc.* officium fecit, in defectu  
 præsertim virium, quæ ad expectorationem materiæ  
 sæpe pituitosæ erant necessaria. Inter externa præter  
 i. d. etiam succus cyclam. & absinthii una cum sacculis  
 auri dextræ, cucupha vero capiti universo, spiritusque  
 resvini manibus dolentibus applicati fuerunt, sed eo,  
 quo plura alia, id est, vix sensibili cum effectu.





# Anhang einiger Bücher,

Welche

Von Wolfgang Christoph Mulsen,  
Buchhändler in Frankfurt am Main/ selbst  
verleger/ und allda zu finden sind.

**A** Belii (D. Heinr. Casp.) lang-gewünschter Me-  
dicinischer Gewissens-Spiegel/ 8. 1720.

Amussis rectæ intentionis celebrandi Milias, 18.  
1720.

Camerarii (Eliæ) Systema cautelarum medicarum  
circa præcognita, partesque singulas artis salu-  
berrimæ, 4. 1721.

Crouse (Robinson) kurzgefaßte Lebens-Beschrei-  
bung/ 8. 1720.

Dycke (Dan.) Nosce te ipsum, oder Selbst-Be-  
trug/ zum 5ten mahl gedruckt/ 8. 1719.

de Professeur Francois, oder Französischer Sprach-  
Meister in 28. Lehren par Ferrari 8.

Fredro (Andr. Maximil.) Monita Politica Moralia,  
& Icon Ingeniorum, editio novissima, 18.

Furstenau (Joh. Herm. Med. Doct.) de morbis Ju-  
re-Consultorum, 8. 1721.

Goffinæ (P. Leonardi Ordin. Præmonstratens.)  
Præxes sacræ, seu Methodus pia, 8. 1719.

Grotii (Hugonis) 3 Bücher von Kriegs- und Frie-  
dens-Rechten/ in welchen das Recht der Natur/  
und das allgemeine Völkler-Recht/ wie ingleichen  
die vornehmsten Stücke derer Reichs- und Staats-  
Rechte erkläret werden/ fol. 1721.

Hoff.



Hoffmanni (Daniel) Annotationes Medicæ ad Hypotheses Coveyanas, de Generatione fœtus ejusque partu, quibus præmissa est Dissertatio Epistolica de Utilitate Peregrinationis Gallicanæ 8. 1719.

Leizlers (Herr.) Staat des Heil. Röm. Reichs nach seinen zehn Cränzen getheilet/ 8. 1719.

Lipsii (Justi) Institutio Epistolica, 12. 1712.

Mel (Conradi) Antiquarius sacer, quam plurima Dubia atque obscuriora Sacræ Scripturæ dicta, ex statu ecclesiastico, politico, militari atque æconomico, Hebræorum, Romanorum atque Græcorum illustrans & explicans cum Mantissa Dissertationum I. de Mari|Æneo templo Salomonis. II. Omnia Bruta. III. Machina, pro invenienda longitudine locorum, IV. de Arca Noe, cum figuris æneis & quadruplici Indici locupletissimo, 4. 1719.

Müllers (D. Heinrich) Kreuz, Buß, und Betschule/ mit einer Vorrede von Herrn D. Joh. Georgio Pritio, 8. 1719.

Phythophili neu-angelegtes medicinisches Kräuterpäradies, Gärtlein/ 12. 1719.

Seizens (Joh. Christoph) kurze Betracht- und Untersuchung von Vernunft und Glauben/ Enthusiasmo und Gewissen/ 8. 1720.

Schudes (Joh. Jacob) Jüdischer Merckwürdigkeiten 4te continuation, 4. 1718.

Woolhusii Dissertationes Ophthalmicæ de Cataracta & Glaucomate, 8. 1719.

F I N I S,